書 叢 小 科 百 種二十二百一第

歷

史

商

務

印

書

館發行

研


究

編輯主幹王 岫廬

法

造風

舊



吾國自東觀領局修史以來至今幾達二千年國史編纂末當中斷故吾國史學之發達史籍 人鑒於領局修史之有人多閣筆

之豐富質為世界之冠歷代名史家如劉知幾萬斯同章學誠諧

史材難集不能直書及銓配無人諸流弊嘗表示其不滿之意然吾國國史得以繼續罔替以迄今

茲愈於西洋古代之幾無史籍可言者不可謂非領局修史制度之功也故廢止官修制度之主張,

實未免因噎而廢食。

今人之習西史者誤以為西洋僅有通史也遂好發編輯通史 以代正史之議論誠可謂知二

而不知一十之談也西洋各國自十九世紀民族主義興起以來, 對於國史材料之搜集莫不聚

精會神唯力是視如德國之史料集成 (Monumenta Germaniae Historica) 英國之史料叢

書 (Rolls Series) 法國之史料彙編 (Collection de Documents Inédits sur l' Histoire France) 皆其最著之實例也故西洋史家一方固努力於撰述之功一方亦並努力於記注之

業則可斷言矣。

章學誠對於正史亦嘗致其不滿之意矣其言曰『 一朝大事, 不過數端紀傳名篇動逾百十。

不特傳文互涉抑且表志載記無不牽連逐篇散注不過便人隨事 依檢至於大綱要領觀者茫然。

盖 史至紀傳而義例愈精文章愈富而於史之宗要愈難追求觀者 **外已患之』**(章氏遺書史篇別

錄例議)故有於各書目錄之後別爲一錄之議然章氏之論蓋因 後史江河日廣攬挹不易周詳,

故欲另著別錄與正史相輔而行以便常人之領略耳固未嘗謂 正史可廢也。

誠 以 正史者乃守先待後之業所謂記注者是也。 (三國志新五代史及明史均不免以比次

之功 而妄援著作之義反致記注撰述兩無所似, 爲識者所譏) 通史者乃鈎元提耍之功所謂撰

述 者 是也前者為史料所以備後人之要删故唯恐其不富後者。 爲著作所以備常人之瀏覽故唯

不精若論其事業絕不相同然相須而成其歸一揆。 此正 史與通史之流別所以不能相混者

也夫良史之才世稱難得則謹守繩墨以待後人之論定不特爲勢所必至亦且理有固然若不。

務 料 之整齊而唯事通史之著述萬一世無良 (史不且 逐無史書乎此正史與通史之流別所以

能 相 混者二也且著作必有所本, 非可 憑虛杜撰者 也。 故比 次之功實急於獨斷之學若有史料,

雖 無著作 無傷 也而著作則斷 不能不以史料為 根據此一 正史與通史之流別所以不能相混者一

也况當今日科學昌明之世學術之門類日繁學者之與趣各異或潛心政治或專攻教育或研究。

科 學或從事藝術欲取資料均將於正史中求之予取予求見仁見智各能如其願以償至於通史,

之為物鉤元提要語焉不詳以備瀏覽或有餘以資約取必不足此正史與通史之流別所以不能

相 混者 四 也總之正史爲史料之庫通史爲便覽之書如徒求便覽之書而廢史料之庫豈不舍本

逐末平而况史才不世出所謂通史者不可必得也耶故通史之作固不容緩然不得因此遂謂正

史之可廢則斷斷如也。

唯吾國史籍雖稱宏富而研究史法之著作則寥若晨星世之習西洋史者或執此爲吾國史

病殊不 知專門名家之於其所學或僅知其然而終不知其所以然或先知其然而後推知其所

然此乃中西各國學術上之常事初不獨吾國學者爲然也西洋史家之着手研究史法也不過

國之夫里門(E. A. Freeman)輩或高談哲理或討論修詞莫不以空談無補見譏於後世至今 百年來事耳然如法國之道諾(P. C. F. Daunou)德國之特羅伊生(J. G. Droysen)英

西洋研究史法之名著僅有二書一為德國格來夫斯法爾特 (Greifswald) 大學教授朋漢姆

(Ernst Bernheim) 之歷史研究法課本 (Lehrbuch der Historischen Methode) 出版

於一八八九年(清光緒十五年)一為法國索爾蓬 (Sorbonne) 大學教授郎格羅亞與塞諾波

(Ch. V. Langlois and Ch. Seignobos) 二人合著之歷史研究法入門(Introduction aux

Etudes Historiques)出版於一八九七年(清光緒二十三年)兩 書之出世離今均不過三十餘

年耳。

吾國專論史學之名著在唐有劉知幾之史通(中宗景龍時作)離今已一千二百餘年在清

有章學誠之文史通義(乾隆時作)離今亦已達一百七八十年其議論之宏通及其見解之精審,

決不在西洋新史學家之下唯吾國史學界中自有特殊之情況劉章諸人之眼界及主張當然不

能不受固有環境之限制若或因其間有不合西洋新說而少之是猶譏西洋古人之不識中國情

形或譏吾輩先人之不 識飛機與電話也又豈持平之論

德國朋漢姆著作之所以著名因其能集先哲學說之大成也。 法國郎格羅亞塞諾波著作之

所 以著名因其能採取最新學說之精華也一重承先一重啓後然 其有功於史法之研究也則 初

未 無二致吾國先哲討論史法之文學亦何嘗不森然滿目特今日之 有其人耳就著者個人耳目所及吾國有關史法之名著略得如 下之所述。 能以新法綜合而整齊之者尚

表示疑古態度足為史家之模楷者莫過於王充之論衡及崔述之考信錄提要辨別古書真

僞, 足明論世知人之道者莫過於四庫全書總目提要及姚際恆之古今偽書考考訂古書文字示

以讀書明義之法者莫過於王念孫之讀書雜志王鳴盛之十七史商権及錢大昕之卅二史考

長編及李心傳之建炎以來緊年要錄討論文史異同並批評吾國 斷定史事審愼周詳示人以筆削謹嚴之道者莫過於司馬光之資治通鑑考異李燾之續通鑑 史法者莫過於劉知幾之史通

章學誠之章氏遺書及顧炎武之救文格論綜合史事示人以比事屬辭之法者莫過於顧炎武之

日知錄及趙翼之陔餘叢考與十二史劄記此外如二十二史之考證諸史籍中之序文及凡 例, 以

及歷代名家之文集東鱗西爪尤為不勝枚舉世之有志於史學者果能將上述諸書一一加以 悉

心之研究即類起例蔚成名著則其承先啓後之功當不在朋漢姆郎格羅亞與塞諾波之下著者

自問愚陋且亦無暇及此世有同志雖為之執鞭所欣慕焉。

著者之作是書意在介紹西洋之史法故關於理論方面完全本諸朋漢姆郎格羅亞塞 諾

三人之著作遇有與吾國史家不約而同之言論則引用吾國固有之成文書中所有實例亦 如

以便吾國讀者之了解一以明中西史家見解之大體相同初不 敢稗販西籍以欺國人尤不 敢

牽 附中文以欺讀者誇炫之罪竊不敢承裝積之譏自知難免讀者幸 略其迹而原其心可 也的

著者自着手之初以迄成書之日時時請益於史學前遣傅運森先生凡材料之所在及文字

之謬誤莫不承其指正用意之盛難以言宣爱於脫稿之時附表著者感佩之忱於此。

何炳松誌於滬北民國十六年一月十六日。

目錄

第十章	第九章	第八章	第七章	第六章
結論	著作	編比		明義
		BRAS TO THE TOTAL THE TOTA	斷事	
			五七	

了史之大原本乎春秋春秋之義昭乎筆削筆削之義不僅事具始未文成規矩已也以夫子義則竊取之旨觀之固將

墨之所不可得而拘類例之所不可得而泥而後微蕊杪忽之際有以獨斷於一心及其書之成也自然可以參天地而 綱紀天人推明大道所以通古今之變而成一家之言者必有詳人之所略異人之所同重人之所輕而忽人之所謹繩

質鬼神契前修而俟後聖此家學之所以可貴也」—— 章學誠

史學研究法者尋求歷史眞理之方法也言其步驟則先之以史料之蒐羅及考證次之以事

實之斷定及編排終之以專門之著作而史家之能專乃畢蒐羅史料欲其博考證史料欲其精斷

第一章 緒論

定 事 實欲其嚴編比事實欲其整然後筆之於書出以問世其為 法也似簡而實繁似難而實易者

也茲書所述僅其大凡一隅反三則在讀者之自有會心。 矣。

歷 史所研究者蓋已往人羣之活動也人羣活動之方面 大體有五即經濟政治教育美術宗,

教, 是也然歷史所述者非人羣各種活動之靜止狀態也乃其變化之情形也史家所致意者即此

種 空前絕後之變化也非重複之事實也故歷史者研究人羣活動特異演化之學也即人類特一

生 活 之紀載也夫人類之特異生活日新月異變化無窮故凡屬 前言往行莫不此往彼來新陳

此 歷史上所以不能有所謂定律也蓋定律以通概為 本通概 以重複為基已往人事既無復

情古今狀況又無一轍之理通概難施何來定律,

自 現 代自然科學及社會學發達以來史學一 門頗受影響世之習史者不 語史學之性質及

其 困 難妄欲以自然科學之方法施諸史學以求人羣活動之因 果或欲以社會學之方法施諸史

學, 以 求人奉活動之常規其言似是其理實非茲特餅 而闢之以免以訛傳訛。

自 然科學與史學雖同以實質為根據然兩方研究時之觀察 點絕不 相同自然科學家之於

質, 抱一 種 通概之眼光研究而 組織之以求得因果定律為止境吾人之應用普通名詞, 卽 為 此

種 念之見端。 如男女也草木也衣服也凡所表示皆具有共同之 特點者 也通概所包愈廣, 川則其

所 涵之實質愈少至物理學中之相對論幾可統括萬象故其中所 有之實質排除殆盡其 為物 也,

瀰漫於宇宙萬有之中不復有古今中外之別此即用自然科學方 法研 究實質所得之結果 也。

至 於 歷史之實質則純以求異之眼 光研究而組織 之人類之 始有 專名即為此 種概念之發

靱。 如堯 舜,如 禹湯。 凡此諸名非表諸人之所同乃表諸人之互異。 家對於已往之事跡亦復如

如 召陵之盟如城濮之戰其所致意者乃召陵城濮二役也非古今 所有之盟與戰也此自然科 學

之觀察點與史學不同之大概也。

再 就 歷史事實之性質而論亦與自然科學逈然不同同一歷 史事 實其所表之性質複雜 異

常。 史 所 几 前 獨 代之書法文章習慣事情等均可在同一種史料中求得 有與自然科學家在多種實物中專究某一 種單 純 原質者 之此種一事 不 同此 其一歷史事實之範 多質之特點實 爲 圍,

廣 狹 至為不一大者關係全民族久者延長數百年小至一人之言 行細至偶然之軼事與自然 科

之自繁至簡自異至同其進程有一定之塗徑者不同此其二歷 史事實有一定之時地時 地 失

眞, 卽 實有實有虛可信可 屬謬誤時地無考卽亡史性與自然科學之專究一般 知識, 不 限古今中外者不同此其三。 歷

科 學之概以求眞為止境者不同此其 四。

疑一成難變虛者

無法變實信者

無法

使

疑稍有疏虞即違史法與

自

再 就 方法而論亦復兩不相同自然科學之定律純自觀察 與 實 驗而來務使所有自然界之

現 象旣有一定之原因在同樣狀況中必能產出一定之結果屢加, 試 驗既得其眞故凡遇有某 種

原 因即能預斷其有某種結果然學者須知此種預言絕無史性科學定律所能預斷者乃實質之,

所 同而非實質之特異世之一知半解之徒強以歷史爲明白因, 果之學其見解之膚淺及其立

之誣妄豈待煩言總之史家所根據之史料斷不能應用實驗工夫史家才學雖極高博終無力

以 生 死人而肉白骨使之重演已往之大事則斷然也前言往行決不重覆史家祗能於事實殘 跡 可

之中求其全部之眞相與自然科學家之常能目睹事變而再三實驗之者眞有天淵之別 也。

再 就史料所供給之消息而論大體可分三類其一為 入與物。 人死不能再生物毁不可復

故 史家所見皆非本眞蓋僅心靈上之一種印像而已其二爲人羣活動史家所知者 亦僅 屬 主 觀

之印 像, 而非活動之實情其三為動機 與觀念其類凡三一係撰 人自身所表出者一係撰人代 他

出者一係吾人以己意忖度而得之者凡此皆由臆度而來, 非直接觀察可得故史之為學, 純

主觀殆無疑義世之以自然科學視史學者觀此亦可以自反矣。

史家 想像往事每以一己之經驗為型或以己度人或以今例 古史事 多 誤此為 主因大 抵 社

會 學 中抽象事實之觀念每晦而不明學者所用之名詞亦每泛 而不 確。 所謂史料, 即無 形 事 實

之難以言語形容者也史家想像稍流虚幻事實必即失真此研究 歷史者當應用推想工夫時, 所

以不 可不慎之又慎也。

至 於史學與社會學雖同以已往之人羣事跡為研究之根據然 目的 方法既然各不 相 同。 研

究 果亦復逈然有別史家抉擇事實旨在求異所取方法重在溯 源。 其結果非人類共同 演 化 之

原 理乃人類複雜演化之渾淪至於社會學所致意者乃已往人摹 事跡之所同參互推求藉以 發

見駕馭人羣活動之通則選擇事實務求其同不求其異所得結果, 非 人類演化之渾淪, 乃人 羣 活

所重者在質社會學所重者在量史學所求者為往跡之異社會學 動 之定律故社會學爲研究社會之自然科學其所取方法與史學 異, 所求者為往跡之同兩者功 而與 自然科 學同。 總 之, 用,

唯 所謂科學乃有條理之智識之謂史學之觀察點及 方法, 雖 與其他科學不同然其為 有 條

理 之智識則初無二致而史學之志切求真亦 正與其他科學之精 神 無異故史學本身雖遠較其

他科學為不備終不失其為科學之一種也。

僅有自然科學不足以盡人類之知識也必並須歷史知識以 補充之故歷史知識之重要初

不 亞於研究自然之科 學人類自有羣衆生活以來即有歷史之存 在歷史之銷減必俟社會之淪

故 歷史之生命實與人類社會同其長久此歷史知識之所以可貴者一也吾人為社會組 織中

人, 而社會又為已往生活之產品吾人如欲有所供獻於所處之社會則不特對於當代狀 况,

應 知郎對於前代情形亦應洞曉視現代社會上之問題為, 人類演化中之部分深悉演化陳

迹, 方有決解之方博古通今意即在此此歷史知識之所 以可貴者二也至於學問之道不徒在獲

識者事也而研究方法者器也舍器而求事者猶舍秫黍而求旨酒也可謂不務其本而齊其末者, 真理之知識而已而且在於明了探討真理之方法語云『工欲善其事必先利其器』歷史知

也世之有意於歷史之研究者其可不以歷史研究法為入手之塗徑哉。

K

第一章博採

『孟子曰「博學而詳說之將以反說約也」然則欲多聞者非以逞博也欲參互考訂而歸於一是耳若徒逞其博而

不知所擇則雖盡讀五車徧閱四庫反不如孤陋寡聞者之尚無大失也。 崔述

古人記言與記事之文莫不有本成書必有所藉則蒐羅史料之爲道尚矣所謂史料乃前人

思 想行為之遺跡也前人思想行為之留有遺跡者蓋寡而遺跡之能千古不磨者尤寡古籍之因

天災人事而致於滅絕者不知其若干也無遺跡即無歷史過去事實之因無遺跡而失傳者何可

勝 道哉史料為物可分 兩 類。 屬原始 一屬孳 生原始 史料或係實 物, 或係古書出諸親見親聞, 不

屬 道 聽塗說孳生史料或因襲 他書或取 材舊 籍非出目 1睹得諸傳 聞集前人之大成爲著作之鴻

業此原始史料與孳生史料之大較 也。

自古 至今年湮代遠原始史料大都 不傳故研究過去 人 羣, 得 不唯孳生史料是賴夫史事

以近眞為尚史料以原始為佳蓋事實因屢傳而失眞史料以勦襲 而傳為市人成虎曾參殺人。

生 史料之不可恃或且有甚於此唯孳生史料之精者亦正可備研 究歷史者之要删試言其利, 蓋

有 四 端 名家援引舊文每標所出古書雖逸崖略猶存讀者藉此得 知 原始史料之大凡窺見蒐 羅

史 料 之門 徑此孳生史料能示後 人以取材之地其利一 也。 名家採 用 史料 必加考證功夫司 馬 光

通 鑑之成先之以考異之作纂錄往跡深具苦心後人於開 人考證工夫其利二也名家斷定事實煞費經營考定是非必 卷 事 其故後人引用之際可 事可以信賴此孳生史料 能

明

以

無

事

疑此孳生史料能為後人斷定往事其利三也名家論定 成 篇必其心裁別識具詳始末洞悉

流。 述往事之眞情備後人之參考此孳生史料能省後人編著工夫其利四 也。

源

前 人名著雖屬孳生陶冶成家有如上述後人如棄而不用自下工夫此不特徒費可惜之光

且未明近世科學進步之狀況蓋學術之道雖不能青出於藍總期能日積月累著述之士正

陰亦

當續前人之所斷始前人之所終方可 冀日進光明生生不已學 者果明乎此必恍然於欲事述作,

必當以津逮後世爲宗學業有成必求其足以千古使後人享 勞永逸之利不必費另起爐灶 之

斯 為美也不然『紀次無法詳略失中文采不明事實零落』 (曾公亮進新唐書表) 豊特不能

傳 人亦且徒耗精神至其無俾於史學之進步更無待言矣,

蒐 羅史料有賴目錄工夫『目錄之學學中第一緊要事必從此問塗方能得其門而入然此,

非苦學精究質之良師未易明也。(王鳴盛十七史商榷卷 一)蓋古代史料散漫異常西爪東

+=

鱗, 蒐羅不 易即或已經著錄亦不免殘逸不全歲月久長無從稽。 考且世之書目又『有本名質 而

錄從文者本名文而著錄從質者有書本全而為人偏舉者有書本偏而為人全稱者」(章學誠

文 史通義繁稱)學者雖欲卽類求書已極困難。 遑論因書究學乎。

史 料不盡皆屬著作之林尚有遺物之類欲求目錄每不可能 且蒐羅孳生史料固可純賴目錄工夫而尋求原始史料則僅專目錄之學當然不足蓋原始 其屬於著作者亦有本係手蹟未印

成 書或『逸在名山未登柱史』學者雖嵬羅有意而入手無門故。 原始史料或有其物而學者不

知, 或雖知之而無法羅致種種困難何可勝言然『蒐羅益廣則研討愈精』此學問之通義也歷

爲徵實之學故史料蒐集尤貴能賅備無遺蓋『 觀天下書未編不得妄下雌黃或彼以為非此

以 為 是或本同立 末異或兩文皆欠不可偏信一隅 也」(顏氏家訓 勉學)若或採取稍疏必致掛一

漏 萬後人著作之得能超過前人即在其材料之較備前人名著。 之所以價值漸減即原於取材之

賅得失之間不能容髮故博蒐史料之功實研究歷史最要之義。 也。

學者蒐羅史料欲求詳盡無遺必當富有會心並能耐煩耐苦古代典籍雖或有總目然 往 往

全至於各書編制類皆僅有篇章命題不附全書索引欲知某事材。 料述在何書既得其書紀 在

何處往往毫無線索必須翻閱全書費力費時可謂不少苟有寸進尚不徒然而有時苦下工夫, 亦

仍 復一無所得欲求事半功倍貴能觸類旁通此蒐羅史料之所 以貴有會心也如研究吾國 長 城,

初 無專著學者苟思長城之築所以拒胡則史記匈奴傳中或有 可 用 史料繼思戰國之世地處 北

方者不僅一秦則燕趙世家亦須翻閱又思蒙恬威震匈奴功業 彪炳史册則秦始皇本紀及蒙恬

本傳亦當細心諷誦或更展讀漢書地理志及後漢書郡國志中之北方諸郡以探其有無偶 及 |長

城之紀載凡此皆觸類旁通之功之簡而易明者也而事實上之 之道即景多所會心」此爲學者最樂之事亦即最難之事也然 會心有得尙須 困 難或且十倍於此『學問文 加 細心諷誦之功。 章

有 時 雖 『 目輪火爆 肩石 山壓」亦不盡有得心應手之樂偶不 經意即有失之交臂之虞此學者

所 以 並貴能 耐煩耐苦也大抵學問塗徑極為崎嶇。 不具犧牲精 神難望登峯造極畏難苟安之輩,

固不能望學業之有成矣。

當 翻閱古籍之際必勤事筆記之功讀書練識之方以此為 最不然隨得隨失無異走馬看花。

妙 絡無窮皆似雨珠入海至於筆記之性質及方法 如何當詳史 事 斷定章茲不先贅也。

史 料所敍述者人羣之活動也人羣活動繁複異常故史料種 類之多亦正與之相等然學者

如 欲 用得其宜不可不 知史家分別史料 之理 曲, 及 史料 種類 之大較蓋學者欲斷定史料價值

高 下必須 先 知史料之種類爲何否則 頭緒茫然優劣莫辨世之作 者或將名著與雜記齊觀或

之必須明曉史料之種類其理由即在於此。 報 紙 與公文並列淄澠莫辨涇渭混淆方且自以為博通不知徒顯其淺陋史料之必須分類學者

原始史料大體可分為二類一日遺物一日傳 說遺物爲人羣活動之產品由人類之日常需

要 而發生此類史料至為複雜或小如裝飾之瑣碎或大如建築之巍峨名物之繁不遑枚舉唯學

須 知此類史料乃人羣活動之結果非人羣活動之本身其目的在於應付人生之日常需要不知此類史料乃人羣活動之結果非人羣活動之本身其目的在於應付人生之日常需要不

以古人消息傳遞後人學者欲加詮釋藉以推知前人之活動, 其為事極難而結果之是否有成,

亦每不可必

至 於 傳說一類之史料有時固亦可視為遺物。 如 (史記一 本屬紀載吾國古史之傳說然同

又可視為西漢傳來之遺物然傳說之所以異於遺物在其涵 有人奉活動之印象事實發生有

人見之紀其印象餉遺後人此即傳說之由來也,

保 存 傳說方法有三傳之於口者謂之口傳筆 之於書者謂 之筆傳圖之以形者謂之畫傳口

傳 史料往往經時既久必能筆之於書故傳說之中大體以筆傳與畫傳二種為主而尤以筆傳者

第二章 博探

爲多。

在 遺物中吾人所見者為古代之實物在傳說中吾人所見者 非活動之本身乃撰人對於

之印象學者 利用傳說之際須知吾人與往事之間另有撰人為中介吾人所得往事之知 間

接 自撰人得來故引用傳說之時必須深知撰人之性格如何然後可定其所述事實之價值也。

至於傳說之價值與其表示之形式有關凡屬親見親聞之事實無論傳之於口或筆之於書

其價值均屬相等然筆之於書者大體一成不變不致受記憶强弱之影響而失其眞至於傳 之

者則或記憶失真或傳聞致誤『一人之事兩人分言之有不能悉符者矣一人之言數人遞,

傳 之有失其本意者矣是以三傳皆傳春秋而其事或互異此傳聞異詞 之故也古者書皆竹簡,

億失眞之故也』(崔述考信錄提要)故口傳史料往往遞傳遞久全失本眞或以有為無或以能盡有也而亦難於攜帶纂書之時無從尋覓而翻閱也是以史記錄左傳文往往與本文異此

不如筆傳者之爲可恃也。

至於畫傳史料之價值適介於筆傳口傳之間畫傳印象一 成不變此其可以傳世行遠與筆

傳史料相同唯畫傳之中介或屬金石或屬布帛非撰人具有特 別技術不為功故成事遠較筆傳

為 不易且圖畫肖像貴能逼真故畫傳史料必須較筆傳者為備。 畫傳史料因中介特異易於失真

之故其致誤機會遂亦較筆傳者尤多方今攝影之法日新月異。 畫傳史料之價值較舊日增加 不

少矣。

第二章

"世信虛妄之書以爲載於竹帛上者皆聖賢所傳無不然之事故信而是之調而讀之睹眞是之傳與虛妄之書相違。

則並謂短書不可信用夫幽冥之實尚可知沉隱之情尚可定顯文露書是非易見籠統並傳非實事用精不專無思乎

事也。

究其本末辨其異同分別其事之虛實而去取之雖不爲古人之書諱其誤, 『今爲考信錄不敢以載於戰國秦漢之書者悉信以爲實事不敢以東漢 魏晉諸儒之所注釋者悉信以爲實言務皆 亦不至爲古人之書增其誤也」一 崔述

歷史以史料為根基史料為往事之遺跡世間明白事實真

相之道厥有二途一為直接觀察,

為問接研究事實之遺跡史事為物皆屬前言往行曇花一現稍縱即逝欲施觀察其道無由故

歷史非觀察之科學歷史知識乃間接之知識。

史家所能 觀察者往事之遺跡而已往事 之眞 相 唯 有 根據 遺跡而推想其彷彿故研究歷史,

以 史 料 爲 權 與以事實爲終點自本至末純特推想工 夫。 推 想之際易滋錯誤失之毫釐謬以千里。

者於此宜慎之又慎焉歷史研究之所以遠遜自然科學研究 法其理卽在於此而史家求眞之

道舍此又別無他途也。

學 者 每以為史料所載即係事實此大誤也史料 所 涵非事 實也蓋事實之紀載也事實爲實

有 之真情而 紀載則爲撰人所得事實印象之紀錄信筆描述不 盡近真故事實本真必有兩種 以

紀載之暗合方得謂信而有徵然欲用各種史料中之紀載以斷定事實必先估定各種史料

身 之價值並明白各種史料間之關係以便決定其是否互相剿襲或係不約而同。

第三章 辨譌

歷 史著作之得以不朽端賴 詳盡之蒐羅與考證之估價此 種 功力費時甚鉅或所得有限或,

勞 而 無功急進之士或不願為此然學問之道重在心得若徒博而 寡要何如寸有所長蓋『好著

不 如 多讀書欲讀書必先精校書校之末精而遽讀恐讀亦多誤 矣讀之不勤而輕著恐著亦多

妄矣。 (王鳴盛十七史商權序)故研究歷史必加考證工夫而後 著作方有價值之可言史學方

有進步之希望。

史 料估值問題在於研究撰人與其所述事實之關係言其 内 容可分析為下列諸點第一史,

料 之或真或偽或正或誤應加辨明其次撰人為誰著作於何時何 地均須明悉再所述事實或得,

目睹或得自耳聞均應追求如係得自傳聞, 則來自何處此種 料價值如何均當詳加探討, 加

後考證之能事方盡茲請先言辯偽之道。

造偽書者古今代出其人故偽書滋多於世學者於此眞偽 莫辨而倘可謂之讀書乎是必

書乃世間常事非平心考核莫得其真。

史料之中所在多偽古物有偽造古書有偽造古畫有偽造即口傳傳說亦有偽造偽造史料,

每足亂真賞鑑名家亦受欺問。

欲 辨原本之真偽較為輕易先察紙張再察書法居今日而 偽 造數百年前之舊紙勢所不能。

僞 造 他人手書亦非易事長篇文字光不可能至於印版之書則辨偽之道端賴察其內容文章 及

見解蓋偽託古人之書每紀後代之事偽造之跡每流露於字裏行 間司馬遷漢武帝時人也而今

史記往往述元成間事劉向西漢人也而今列女傳有東漢人在焉謂此二子者有前知之術乎抑史記往往述元成間事劉向西漢人也而今列女傳有東漢人在焉謂此二子者有前知之術乎抑

其書有後人之所作而妄入之其中者耶其次為文章蓋『唐虞有唐虞之文三代有三代之文。

秋有春秋之文戰國秦漢以迄魏晉亦各有其文焉然但其文然也其行事亦多有不相類者是

故

春秋之文而或不免雜秦漢之語偽尚書極力摹唐虞三代之文而終不能脫晉之氣無他其平戰國之人稱述三代之事戰國之風氣也秦漢之人稱述春秋之事秦漢之語言也史記直錄尚

所聞所見皆如是智以為常而不自覺則必有自呈露於忽不經意之時者少留心以察之甚易

知 也」(崔述考信錄提要)至於書中見解之是否貫徹是否矛盾均可 諷誦得之公牘之偽造者,

古今不乏其例然各代有各代之程式偽造者多不經心不難一覽可 辨。

以 上皆指古書之全偽者而言此外亦有一部分偽造者卽寬 亂與增補是也如偽造者係

有 特性及特見之人則涇渭分明辨別極易著全書皆平淡無奇則誰屬原本離係妄增每致無從

認 識付之闕 疑。

辨偽之道旣如上述矣茲再進述正誤之方方今印刷之術可 總 之古書具偽有易辨者亦有難辨者有時歷代紛爭終不能, 稱完備異常然出版之書尚復 得 其一是者蓋亦常有之事

易篆 而隸遞相傳寫豈能一一之不失眞』(崔述考信錄提要)西洋古籍亦復如此或加甚 焉。 而 故

世所傳古書不特亥豕魯魚所在多有而且以訛傳訛稽考為難夫史貴憑藉史料實為權輿。

根

本 旣 非豈可復言著述此訂正謬誤工夫之所以尚 也。

大 抵原稿誤少傳寫誤多致誤原因不一而足『或有意妄更或無意譌脫』(毛詩註疏校) 勘

記序) 有意之誤每出於傳寫者之人用其私蓋『古今異言方俗 殊語末學膚受或未能通意有

所 疑, 輒就增損流遯忘返穢濫實多』(顏師古前漢書敍例)無意之誤每原於傳寫者之漫不經

意。 쥍 炎武茲中隨筆抄書八弊一書手窟率捲腦折角二墨汁蠅矢垢汙三衆手傳接揉熟紙

開卷不收五分手抄謄拆釘散戲六抄寫有誤恐被對出反將原稿塗改七欲記起止輒將 原

加 圈 加勾八黏補錯字扯用書角片紙)出於故意者不特校勘為 難而且發見不易蓋『據臆改之,

則 文 益晦義益舛而傳之後日雖有善讀者亦茫然無可尋求矣。 (顧炎武日知錄卷十八勘書)

出 於偶然者『脫文誤句往往有之』遂至謬誤相承無從釐正唯 字體混亂前後顚倒二字合一,

字二分等錯誤每可補苴復原學者試讀二十二史卷末之考證十三經注疏之校勘記王念孫

讀書雜志王鳴盛之十七史商權錢大昕之卅二史考異即可知正誤工夫之一斑焉。

今傳古籍往往原本久佚翻版甚多常人鑒於考證之業在於求得原型途以為版本較初, 必

然 可特殊不知後代版本披刊詳定每較古本為佳學者祗應問版 本如何不應以時代後先為估

値 之準則『近世淺學之士動謂秦漢之書近古其言皆有所據見有駁其失者必攘臂而爭之此

無 他但詢其名而實未嘗多觀秦漢之書故妄爲是言耳』(崔述 考信錄提要)亦有以版本 相同

數較多者必較少者爲可信其實亦不盡然如係因襲之書則千篇一律實出一手價值高下決

不能以此為衡。

研 究之道貴能審 知各書之關係大抵錯誤相同之書非同 出 源即互相翻刊蓋獨立版本,

决 無錯誤相同之理也學者遇此宜擯棄不顧以省時間雷同之本 旣 盡力排除獨立之書乃昭 然

如各書猶復彼此互異則唯有賴推想工夫矣。

在

目於是進而求各版之世系以便求諸書公共之原型如各書大

致相同即可視為有用之史籍。

當今可信史料寥若晨星考證工夫尚須努力學者果能以考 證所得餉遺後人則為事雖微,

其 功甚 大此今日世界各國之學術團體所以多致力於此端也唯 茲事體大非旦夕可冀故進步

免遲緩耳。

3

第四章 知人

了不知古人之世不可妄論古人文辭也知其世矣不知古人之身處亦不 可以遵論其文也身之所處固有榮辱隱顯

屈伸憂樂之不齊而言之有所爲而言者雖有子不知夫子之所謂況生千 古以後乎』— 章學誠

與而不誤然與其所述事實之價值無關妄人著作滿紙讕言手 考證史料不僅辨其眞偽正其訛誤而已並當進而知撰人 筆雖眞何裨史學故採用史料知 之為誰及其著作之時地史料雖

人為先蓋史料所紀之價值以史料本質撰人性格及著作時地

爲標準此知人之道之所以可貴

二十六

撰 人為 吾人明了事實本眞之中介中 介愈佳紀載 愈確。 知 人之道可分兩端先求姓氏再探

性 格常人每輕信書中所著之名氏此實人 類 最難改正之陋習。 古今淺學之士苟欲尊其所傳以

欺 當世莫不假託名人藉增 聲價。 或署名 他籍旨 在 流芳。 如 -漢 人好以自作之書而託為古人張

百二尚 書, 衞宏詩序之類, 是也晉 以下人 則 有以 他人之書而 竊為己作郭象莊子注何法盛晉

中 興書之類是 也若有明一代之人其所著書無非竊盜而 (顧炎武日知錄卷十八編書)

紀 載價值之高下以撰人之性格為衡故深悉撰人之性 格 爲考證史料之要旨蓋『才有庸

儒, 氣 有剛柔學有淺深習有雅鄭』 莫不其異 如 面, 各師 成 心若 僅知撰人之名字而不知撰人之

爲 1, 則 所 紀事實之價值 如 何, 仍 無估 定 之 標 準。

今 傳古籍或失撰 八名氏或僅 有名氏 mi 無從知 其為 人。則 吾人唯有誦其全書以想見其風

格。 隨 時留意其天稟學識地位成見誠偽文才等之如何如靖康 要錄不著撰人名氏今觀其書記,

事 具 有日月載文俱有首尾決非草野之士不睹國史日歷者所能作。 (四庫全書總目提要史部

編 年類) 叉如 兩朝綱目備要不著撰人名氏觀其載嘉定十四 年六月乙亥與莒補秉義郎其 目

云 即理宗皇帝考宋代條制舊名亦諱此乃直斥不避似乎元人。 然其書內宋而外元又敍元代得

國 緣 始, 多敵國傳聞之詞或宋末山林之士不諳體例者所作與(同上)凡此諸例可明知人之道

之梗概

然僅 知 史料之本質及撰人之性 格尚不足以為估定著述價值之根據也蓋事實之經過 與

實之紀述每相隔甚久不盡同時時間相去愈長紀載愈難徵信此蓋純屬記憶力上問題事實

所 經 述者之是否近真故著作時間實考證工夫上之一重要問題 過 愈久記憶之力愈弱而所述事實亦愈不可恃專恃記憶之士雖極其誠信亦每不能自審其 也。

如 史料上不 標著作之時日或撰 人不言其著作之時日吾 人唯有讀其著作而定其兩端一

爲 著 作 前 之時日一爲著作後之時日著作之時 日 必介 此 兩 者 之間讀其全書察其事實其最 後

事 之時日 即為著作前之時日然僅 知著作前之時 日 倘 未 能 即定為著作之時日也蓋書中 最

後 事 之時日不盡與著作之時日相 同或有事隔數年 或數十 年而後着筆者故吾人並應明 定

著 作後之時日所謂著作後之時日即撰八紀述終止後某一 同 類重要事實之時日蓋如撰人所

紀, 旣 皆 屬某一類 事實則凡 屬 相類者苟有見聞必加筆錄今僅 記其前者而不及後者必後來一

事 發生於著作之後 也。 此後 來一事之時 日 即所謂著作後 之時 日 也。 兩端既定則著作之在何

大體 可 以斷定。 如 成 憲錄, 不著撰人名氏記 明太祖 至英宗五朝 之事考明太宗廟號至嘉靖十

年 始 改 E 成 祖此書仍稱 太宗是作於成化後嘉靖前 也(四庫全書總目提要史部編年類)此 處

成 為 著作前之時日書中不知嘉靖十七年 太宗廟號 之改為 成祖則嘉靖十七年實爲著作後

之時 日。故 可 斷其作 於 成化後嘉靖 前

明 定 書札與雜記之時日其方法大 致 相 同。 唯 明 定雜 記之時 日需 時較多而所得不盡 圓

往 往 ·讀竟全書 知。 世每有當時筆之於書出版時大加修改者或不加修正而入於文集者讀者均須明 終無要領或亦涉過數頁即見端倪。 至於雜記之或成於一時或隨時筆 一錄則大體

辨

其 先 後愼勿渾一 而不分 也。 可

讀

而

著 作之地與 知 人明時之關係雖極密 切唯 較 不 重 要然 史料 若不出於目睹 而來自耳 聞, 则

著 作 之 地極有關係蓋撰人所處之地位能否獲得正確之傳聞, 吾人應加研究又若史料出於 目

料, 睹, 助 m 其 紀 記憶之窮此外 載則 在後來則吾人須 並 須參照當 知撰人當着手著述之時是否仍身居 代或後世著 作 中 所引 用 或 提 及該撰人之著述以為旁證。 出事之地並能否用他種 有 材

時 因後世無人提及某種著作之故因以證明該著作之偽焉如 世 謂 詩序爲子夏毛公所作然 因

史漢傳記無一言及之故今日遂斷其爲偽云(崔述讀風偶識)

以 上所論者僅係一人之著作而已有時一種史料每經後 人之增加而誤為原撰人之手筆。

此 種增加可分二種竄亂及增補是也竄亂之舉有出諸偶然者, 如 誤以注腳爲本文是也史記

太伯世家『爾而忘勾踐殺女父乎』而即爾也今作爾而者後人依伍子胥傳旁記爾字因誤入正

文 也(王念孫讀書雜志史記)亦有故意為之者如不諳原文妄加 修飾是也史記呂后本紀『帝

晨出射趙王少不能蚤起太后聞其獨居使人持酖飲之犂明孝惠還趙王已死」犂明當作

比也言比及孝惠還而趙王已死也後人不解其意故於犂下加明字而不知與上文晨出二字不

合也(王念孫讀書雜志史記)如原本尚存或再版本之較近眞者 尚在則增加之處一較即明。

然 則唯有推求文理之一法文體是否一致精神是否貫穿意見有無矛盾如增加者為具有特性

或 特見之流則涇渭分明一讀可見如全文平淡則較難辨別唯有 闕疑 矣。

僅 知撰人尚未爲足也蓋『史家之文多据原本或兩 收 而 不 覺其異或並存而未及歸一!

(顧炎武亭林雜錄)又或勦襲他書以爲己有或同說一事 而分 爲 兩家吾人於此宜用與校勘 版

本 相同之方法以治之大抵紀載雷同者必出一源錯誤 相同者, 必係勦襲一因各人錯誤決難

而同。 各人同記一事決無一致之理吾人求其世系審其後先, 則 勦襲者無所遁形同源者可 以

追溯。

至於三種以上之相似史料較難辨明例如甲乙丙三種史料。 甲係最初撰人或乙丙各襲甲

成說或乙自丙處而襲甲文如乙丙各增損原文則驟視頗近 獨立如乙抄自丙或丙抄自乙則

屬原文誰爲勦襲解決之道尚不甚難如丙之所述係合甲乙 而一之而乙則本抄自甲者則 交

比較然後可得其真如史記魯周公世家『一飯三吐哺起以待 互錯 綜, 頗難明辨如再有丁戊己等諸撰人綜合諸說集其大成。 士」一語當有二本一本作一飯 則 混亂之情益難究詰唯 有苦 心

一起,本: 作一飯三吐哺而後人誤合之遂致詞意重沓(王念孫 讀書雜志史記)

等又 如宋司馬 光凍水紀聞載『集賢校理劉貢父好滑稽嘗造片前值一客在座獻策曰「梁

山 泊 決而涸之可得良田萬餘頃但未擇得便利之地貯其水耳」 介甫傾首沉思曰「然安得

所 貯許水平」買交抗聲曰「此甚不難」介甫欣然以為有策遽! 問之貢父日「別穿一梁 山泊,

則 足 以貯水矣」介甫大笑而 止』而張末明道雜志載『王荆公為 -相大講天下水利時至有

乾太湖云可得良田數萬頃人皆笑之荆公因與客話及之時劉貢父學士在坐邀對曰「此易為

也。 荆公曰「何也」貢父曰「但旁別開一太湖納 水則成矣。 公大笑貢父滑稽而解紛多 此

王 闢 之澠 水燕談錄載: 往 年士大夫好講水 利 有言欲 涸 梁 山泊以爲農田或詰之曰「梁

山 泊古鉅 徐曰「卻於泊之旁鑿一池大小正同則可受其水矣」坐中皆絕倒言者大慚沮」邵博聞見 野澤廣袤數百里今若涸之不幸秋夏之交行潦四集諸 水並入何以受之」 貢父適

第四章 知人

後錄載『王荆公好言利有小人蹈曰「決梁山泊八百里水以 為田其利大矣」荆公喜甚徐曰:

三十四

「策固善矣決水何地可容」劉貢父在坐中曰「其旁別鑿一 八百里泊則可容矣」荆公笑而

止予以與優旃滑稽漆城難爲蔭室之語合故書之。

案涑水紀聞作於元祐前至少過二十年而後有明道雜志 (崇寧初)再過三十年(紹興二

年) 而後有澠水燕談錄再過二十餘年(紹興二十七年)而後 有聞見後錄以時代言此說實始

於司馬光其間勦襲傳授之跡固一望可知也。

總之此種工夫之成績可分二類一爲已亡之書之復原一 爲可信之書之失據前者如舊五

代史至清代就永樂大典及宋人書所徵引者甄錄條繫排纂先 後因得晦而復彰散而復聚。 回回

庫 之例也。 全書總目提要) 後者如毛詩附會牽合左傳之事一經考核, 其偽昭然(崔述讀風偶識)皆最

考 證 工夫不僅 在明白史料之撰人與時 地 而已蓋考證宗旨, 在於明悉撰人與事實之關係。

以 上 所述皆專指原始材料 而言然原始材料不盡得諸一 己之見聞吾人於此不能不先辨 其 何

者 爲 原 始何者為孳生。 辨明之後並須求孳生材料之何所自有 時撰人自謂曾親見或耳聞某

唯吾人對此不可邊信為真仍當詳加審察撰人當時是否身臨 其境能否親見耳聞吾人均當

於推想之餘然後斷定。

史料估值既為考證之目標。 故史料本質 是否甚佳撰 1 性 格是否可信著作時地是否 適 宜,

均 當嚴密考查不可疏漏如吾人所有史料係一種私人書 札。撰 人 多聞博學而且誠信素孚且 述

於 出 事之時身居於出事之地則此札價值可謂 至 高。 如 係公家 册旨在宣傳撰人才學凡庸為,

少 信, 且 無目睹之機而著作又在 事過境遷之後則此書價值, 顯 然最低介此兩者間之史料,

價值高低至為不一難以盡言矣。

史 料 估值當然與算學不同難求絕對之正確否人瀏覽古 書粗翻一過或可斷言某人所 述,

大 體 不 差或大體難信然此言甚泛非定論也蓋一種 史料, 固可 大體不差而某節某事可以完 全

失實而大體難信者披沙或可揀金故書中所述各 事均須一一 考 查然後採用決不可因其大體

不差而遂取之或大體難信而遂棄之也。

大 抵撰人性格如何影響史料甚鉅眞知灼見有賴五官盲 目失聰見聞必陋下愚上智各人

識不同見智見仁貴在心知其意且人事變化萬緒千頭果欲筆之於書斷難一絲不漏若無心

裁 别 識, 必致詳略失宜配景既失其平 衡事實遂失其眞相雖有 紀 錄復何用乎故『鑒周日月, 妙

極 文成規 矩思合符契」為著作中最難能可貴之事世之能傳人適如其人傳事適如, 其事

者古今有幾人乎。

此 外撰人或胸懷成見或有意欺人或因個人利害而不敢直言或因黨派關係而心存人我。

歷 代史家喜用百家雜記至今隨意引用不加考證者尙屬 不一其人殊不知史料之中以 雜

家 小說之類爲最不可恃試讀李心傳之舊聞證誤及崔述之東 壁遺書即可見雜家說部所載 難

以徵信之一斑蓋私人雜錄非事後回想之筆即道聽塗說之言。 拉雜成章僅資談助以言史學邈,

乎遠矣雜記所涵可分爲二一屬事實之紀錄一屬撰人之意見。 言其價值均甚低微蓋所述事實,

多本傳聞或簡而不販或浮而不實至於個人意見尤與史學無 關蓋史家所注意者非私人之主

乃事實之眞相也劉知幾嘗曰『留情於委巷小說銳思於流 俗短書可謂勞而無功費而無當

矣」(劉知幾史通補注)

第四章

第五章 考證與著述

不能不具此二途譬猶日晝而月夜暑夏而寒冬以之推代而成歲功則有相需之益以之自封而立畛域則有兩傷之 『由漢氏以來學者以其所得託之撰述以自見者蓋不少矣高明者多獨斷之學沉潛者向考索之功天下之學術,

弊』——章學誠

已初不知無考證而言著述必流爲無根之談舍著述而事考證又何異無的之矢蓋考證之與著。 世人於考證之業或視為無足重輕鄙不足道或視為專門家學持以終身此界彼疆交譏不

述為道雖殊其歸一揆表裏無咎相須而成著述之道根考索而來非憑虛作賦考證之業乃讀書

故學者若狗於一偏而謂天下莫能尚則出奴入主交相勝負所謂物而不化者也又烏乎可哉茲

再進論著述與考證應否分工之問題。

從前考證著述畛域甚明所謂史家者不顧史料之來源徒事詞藻之修飾以爲能文博學即,

可 成名材料淵源可以不問至於考證專家亦僅空言著述之途徑未嘗自下著述之工夫誤以襞

積 補苴謂足盡天地能事而對於歷史著作之與趣及了解則仍茫然一無所知夫不言著述則考

證之業無宗不事考證則著述之功無據必能彼此兼顧方免兩敗俱傷唯考證著述不必任以一

身蓋分工之制正合現代科學精神也。

史家習史可遇之境有三其一所有史料均已校訂詳明足資應用其二史料尚未整理唯考

尙 不甚難其三史材雜亂考證需時而題目之輕重與所費研究工夫之多少叉苦無一定之比

例。

史家處第一第二兩 種境遇中考證著述當然無分工之必要如遇第三種境遇時則不同矣。

所 需 史料或散漫無紀殘缺不全或傳聞異詞疑信參半學者處 此唯有二途或棄之不顧另選 他

題。 或努力進行不辭勞瘁窮畢生之精力備後人之要删學者至 此蓋將以考證之業終其身矣夫

考 證 專家本可用其所得以從事著述如司馬光旣用考異之工夫復有通鑑之著作中外名史家

類 此 者亦正不一其人。 然此 種 **兼長之才世所罕** 有究其原因, 不一而足其一人壽至長不過百

證 事業繁重異常凡目錄之編製版本之校勘眞偽之辨明, 訛謬之訂正整理一書已足白首。

二考索之功特饒與趣每足令人樂此不疲不欲, 他 遷。

畢 生盡力考證之功蓋亦學者分內之事。一予任其勞而使後人受其逸予居其難而使後人

其易不亦善乎』(王鳴盛十七史商權序)且研究歷史與其他事業同分道進行得益必大蓋。

證 專家習於其業研究所得必較常人為確 而且精故不特史家無無事考證之特別理由即考

證 一業亦本有獨樹一幟之價值方今專門學術日進昌明昔日 膚淺之史著均將不值識者之一

顧故必專工分任史學方有進步之可言也。

茲再 略言吾人對於考證之與趣及專心考證所及於專家 心理上之影響。

學有天性焉讀書服古之中有入識最初而終身不可變易者是也學又有至情焉讀書

服 古之中有欣慨會心而忽焉不知歌泣何從者是也功力有餘 而性情不足未可謂學問也』(章

遺書博約中)故研究學問與趣為先泛騖求通必無所得『惟卽性之所近而用力之能勉者,

因 以 推微而知著會偏而得全斯古人所以求通之方也』(章氏遺書通說)大抵高明之士每不

爲考證工夫凡庸之人則每覺其饒有趣味蓋考證之業含有 二種興趣極合人類本能一為蒐

羅一爲射覆蒐羅之墨不但爲兒童所樂爲即成年人亦復心好世之以收集金石書畫名家者,

不一其人至於射覆之學尤饒奇趣如文虎詩謎雅人深致推敲發覆備見才思卽其顯著之例。

考證之業最富猜謎射覆之資觸類旁通盡是獨運匠心之會故有名學者莫不富有蒐羅與射覆

之兩種本能此實人類科學精神之雛形也發端極微成效極大學者如自問不具此種天性即不

宜 從事考證工夫然而世之願爲考證家者其人必衆蓋專門著述不特有需於高才博學亦且有

資於別識心裁至於考證工夫則凡稍有才學之流均可得門而入其難易固自不同 也。

其 次考證之業僅賴熱忱仍未能必操成功之券也蓋學問之爲道非盡人可成家力絀心餘,

有 志不逮之輩古今何可勝數世有生而爲妄人者述事必失其眞出言多流於罔此種變態心理

之作用其原因尚未爲學者所深知或因注意力之不專或由於下 心理遂失其作用之常蓋下意識之為物每以臆度工夫彌補記憶或將實情幻想混雜不分此心理遂失其作用之常蓋下意識之為物每以臆度工夫彌補記憶或將實情幻想混雜不分此 意識之活動意志旣無駕馭之

範圍者亦正不一其人也。

亦 有才力甚優作事草率因欲亟求速效遂致謬誤叢生故持 之有恆學而不厭爲學者最要

之美德著述不朽之首基假使率爾成章自安孤陋必致行之難遠, 貽誤後來自欺欺人莫此為甚。

唯言之雖易行之實難唯有好學深思方克臻此世之成專門名家 者類皆冷靜沈潛循序漸進既,

不 急求成效亦不見異思遷故能著作等身傳世行遠若徒貪多務 得博而不精縱或可以誇耀, 於

時斷難取信於千載『宋人書如司馬温公資治通鑑馬貴與文 獻通考皆以一生精力成之途

為 後 世不可無之書而其中小有舛漏尚亦不免若後人之書愈多 而愈舛漏愈速而愈不傳所以

者其視成書太易而急於求名故也。 (顧炎武日知錄卷十九著書之難)

總之從事考證之業者必審愼而專精機警而寧靜不求速效不自誇炫蓋考證結果最難預

期。 乃 純係守先待後之功故必抱損己利人之意而且必具有射覆 之會心與蒐羅之與趣世有不

長 於此者不自審其資禀如何貿然從事遂至窮經白首一藝無成。 不亦大可哀乎!

之鴻業徒斤斤於筌蹄嚆矢之功程破碎支離遑言家學論其流弊, 習 於考證之業每害學者心靈或穿穴於 故紙之堆或疲神於 斷 大抵有三即好尚過疑及著述, 爛之簡不復知有提要鉤

能力之喪失是也。

世 之專事考證之業者鑒於著述之難免無瑕考證之無微不 至途乃擱筆躊躇不敢存嘗 試

之 心縱有別識心裁亦不敢負陶冶之任衡量 他人著作亦復事事 吹求目中所見考證之未精,

謬誤之百 出而已此專習考證之業之流弊一 也。

過 疑之弊與輕信同所謂過猶不及是也習於考證之士對於 真確 史料往往逾分懷疑初不

知 『古人同述一事同引一書字句多有異同非如今之校勘家一 字不敢題易也今人動以此律

輒改訂使古書皆失眞面目』(朱一新無邪堂答問卷三)推 其用 心似必欲信者變疑與者

彼, 而後快矯枉之鄭何可勝言且炫於考證工夫有益學術之論, 過疑之弊因以益深一往 直 前,

不 知 所 止夫不能勒馬於懸巖勢必粉身而碎骨害以愈讀而失信事以愈考而失真此與自殺。

道 無殊豈吾人水學之宗旨哉此專習考證之業之流弊二也。

至 於 好尚之徒視考證為雅人深致視著述為無足重輕。 誤執 求知之功力以, 為學 即在 是。

夫 史非一家之書乃千載之書祛其疑乃能堅其信指其瑕益以 見其美拾遺規過匪爲齮 齕 前

人, 以開導後學而世之考古者拾班范之一言摘沈蕭之數簡兼 有竹素爛脫豕虎傳譌易斗 分

作 升分更子琳為惠琳乃出校書之陋本非作者之傷而皆文致小 **疵目為大創馳騁筆墨夸曜** 凡

庸。 此 又或以為凡屬史材皆有價值不應有重輕之別或詳略之分。 (錢大昕十二史考異序)究其結果則拉雜成章漫無條理豈 特博而寡要亦且勞而無 並 以爲史學之可貴不在多識 功。 而

第五章 考證與著述

前 往 行而在培養科 學精神殊不知『學雖極博 必有一至約 者以為之主千變萬化不離其宗。

六經 無一無宗旨也苟徒支離曼衍以為博捃摭瑣碎以為工斯渺不知其宗旨之所在耳』(朱一

新 無邪堂答問卷一一故『古人之考索將以有所為 也旁通曲證, 比事引義所以求折中也』 若以

無所不涉為博通無所不考為研究是夸父逐日愚公移山之智 也。

之研究學問貴有綱紀所謂學能『得其條 理由合而分由分而合無不可為』(載東原集

年 譜)若罔識人體徒事賅存則『一歲所出不知幾千百億歲歲增之岱岳不足聚書滄海不供墨

瀋 矣天地不足供藏書賤儒即死安所更得尺寸之隙以藏魂魄哉』(章氏遺書博雜)是以學必。

求 其心得業必貴於專精類必要於擴充道必抵於全量性情喻 於憂喜憤樂理勢達於窮變通久。

博 而不雜約而不漏庶幾學術醇固而於守先待後之道如或將見之矣。

『學者於古人之書雖固經傳之原文賢哲之語猶當平心靜氣求其意旨所在不得泥其調而害其意況於雜家小說

之言安得遽信以爲實哉」— 崔述

常人誦諷古書往往遽信爲實以爲流傳旣久事必固然撰人眞意爲何可不再加深考而且

當讀書之際好以一己成見參入書中如『宋已來儒者以己之見硬坐爲古賢聖立言之意而語

言文字實未之知其於天下之事也以己所謂理強斷行之而事情原委隱曲實未能得是以大道

第六章 明義

而 行事乖』(戴東原集與某書)蓋以己度人以今度古乃人之恆情見有與己意相合之文 句,

斷章取義附會成文初不知「治經者當以經解經不當以經注 我以經注我縱極精深亦未 必

本意況易入於歧趨乎」(朱一新無邪堂答問讀漢書藝文志)夫史料所涵乃撰人之印

事實之本真前已言之吾人讀古人書於千載之下必得古人真意方可取以為資此解剖古書

眞義所以為讀書第一義也。

解 剖古書謂之詮釋詮釋之道凡有兩端先考字義次通真意茲請先言明義之道常人每以

文字之義各處一致今古相同故不惜以古例今以此例彼如誤「羲和日御」爲「爲日御 車,

常儀占月一為「常娥奔月」之類不可勝數殊不知『古今異言方俗殊語』或字同義異 或

詮釋史料所宜注意之原理言其著者計有四端。 異義同因地因時千變萬化故史料之詮釋乃小學之工夫非僅用文法上公例所能了事至於

其一文字為物代有變遷『九服各有逸言六代各有絕語。 故欲明史料之義必諳當日之

文。 如能 將書中相同字句集於一處較其異同並審其文氣則文字真義不難得其梗槪如史 記蘇

列 傳『臣聞飢人所以飢而不食烏喙者為其愈充腹而與餓死同患也』案愈即偸字也齊世

家 秦 桓公欲無與魯地而殺曹沫管仲曰『夫刧許之而倍信殺之愈一小快耳而棄信於諸侯』愈

快郎偷一小快也淮南王傳『王亦偷欲休』漢書偷作愈是偷與愈通也字異而義同。

念孫讀書雜志史記)若或撰人模擬古文貌同心異則應審其是 否出諸假借抑或意在修詞。 方

可 撥 去浮詞得窺眞意其二文字意義隨地不同如同是『履』也徐兗之郊謂之『扉』自關而 西 謂

之『屢』同是『美』也吳楚衡淮之間曰『娃』宋衞晉鄭之間曰『艶』 (揚雄方言)故欲斷定文義,

須熟諳方言其三作文用字人各不同如賈生俊發長卿傲誕子雲沉寂子政簡易無不筆區雲誘,

苑波詭故文章體性不可不 知其四文句意義篇各不同一字之 義易地而殊如『毛公之傳詩

也, 同一 字而各篇訓釋不同大抵依文以立解不依字以求訓非熟 於周官之假借者不可以讀毛

{傳 也」(毛詩注疏校勘記序)

祗須研究特異之成言卽盡能事大抵相沿成習之成句不與單 觀上所述可見詮釋文義極費會心然欲明曉古文非此不可。 所幸古今文字大體相同故學

性 之事物之文字如階級制度習慣感情等則每隨事物之變化而 更易其內涵如視為命意相同, 字同其變遷至於指示富演 化

必 有毫釐千里之謬。 者

然文義雖明猶為未足蓋古人文字或寫物附意或颺言切事, 或存心諷刺或出言詼諧『如

楚 人有兩妻豚蹄祝滿家妾覆藥酒東家食西家宿之類不一而 足。 往往傳之益久信者愈多原

寓 是 言不可深信依文立解梗概可知唯不能自謂即此已可與古人, 虚言竟成實事此種喻意文章憑心自造欲事辨別初無定程。 大 同居耳茲再進言尋求史料真 抵立意荒謬出言矛盾者皆近

常 人之習每輕信史料所 涵。 殊不知史料 所 紀者乃 撰 欲紀者而已非即事實面 目 也。 故

研 究史料 與研究其他科學同當以懷疑為立足之點凡 撰人之 一言一語皆當處處懷疑蓋史家

採 用史料負有真實不誣之賣輕信人言必貽代人受過之憂也。 常人又往往分別撰人為可信可

疑二類。 採用史料盲從其所信之人不復嚴加辨別凡此陋習皆 宜 力革者也。

夫 史料所涵不盡一事一言一語皆屬獨 立。或 正或誤 不盡 皆真故考證工夫當與解剖 並

言其通 則, 可得二端(一)科 學真 理徒有證據尚不足以言建 設 也必並有充分理由方可 斷定。 故

史 料中一言一語均須求其理由(二)考證史料不當僅究其本 體。 必將所述諸事條分縷析而 研

之有時一語之中包涵數事亦須分別明辨, 不可混 而不 分如如 史記吳太伯世家『十三年 吳 召

魯 衞之君會於橐旱。 杭世酸紫左傅橐皐之會但有魯君。 年表 並同秋徵會於衙乃會於鄖耳此

兩事爲一(史記卷三十一考證)考證貴能精密即此可見一 斑。

常人估計史料價值往往僅以文義為衡殊不知妄言之人, 或危詞聳聽或故意誇張貌雖極

誠終不足以為真確之據故吾人於詮釋文義之外應並究(一) 撰人性格之是否誠實不欺(二)

所述諸事之是否眞確不誣。

まました。これをこれている。

撰人欺罔之動機大抵不外如下之所述。

(一)存自利心凡人心存自利何不惜調說欺人古今公贖, 大抵如此故吾人考證史料應求,

人之宗要至於撰人私心或祖一己或祖一羣參雜混亂每難 辨認吾人當求其關懷最切之處

以明之。

(二)為勢所迫撰人或為勢力所迫或為習俗所囿遂致多 方迴護委曲求全故所謂信史不

盡無誣。

= 好惡有偏夫愛之欲其生惡之欲其死人之常情也爲撰人者或因派別各異或因主義

不同遂致有意相輕或者存心標榜。

回 心慕虛榮誇大之情人所恆有他人偉業則冒爲己功。 -己醜行則諉為人過。

金 取悅流俗撰人之欲取悅庸衆者每更改實情以資迎合如官樣文章應酬文字莫不千

篇一律冠冕堂皇取爲史材何能憑信。

云 自炫文彩割裂真情鋪張文彩此文人之長技而史家之大患也此種文學夸飾可分數

有屬修詞者。言峻則嵩高極天論狹則河不容舠說多則子孫千億稱少則民靡子遺襄陵

滔 天之目倒戈立漂杵之論』(劉勰文心雕龍夸飾)變本加厲, 踵事增華有屬敍事者『如舜 之

完廩浚井不告而娶伊尹之五就湯五就桀其言未必無因然其初 事斷不如此』(崔述考信錄提

有屬抒情者『談歡則字與笑並論感則聲共泣偕』尺水丈 波虛詞飾說心聲鋒起名實 兩

乖。 其文雖佳終無當於日用者矣。

於事實欲求正確當然以出自觀察者為貴然撰人

所

地位不盡適宜謬誤之見其來有

至

自。

(一)撰人目睹事實自謂已得其真實則或神志昏迷或成 見先入遂致顚倒錯亂以是為非。

大抵昏迷之處難明, 成見所蔽易辨蓋成見與欺人之動機同均 因 利害虛榮或偏袒諸關係而發

生者 也。

(二)撰人所處地位不適於正確之觀察正確觀察之條件, 有相宜之地二無求功之心三

能 即時紀述四能明其方法自然科學莫不如斯史學方法斷難 辦 此故史之為法雖極精能終屬

確史學所以異於其他科學者此也。

(三)撰人雖能目睹而懶惰疏忽漫不經心有所見聞或記 失其詞不暇致辨祗求塞責敷衍

成章官廳例行報告之文大率如

(四)過去事跡有非一人觀察所能明如一時習慣一事 始末一羣行動一人隱私等或範

廣或經時甚長均非旁採他材不足明其真相撰人所據史料, 是否充分是否正確均當研究者

也。

以 上所述皆指原始史料而言然史料中大都以孳生者 多所謂撰人皆係傳達消息之中

介故吾人不能不追求原始撰人唯原始撰人每不可考則唯 有 依前章所述知人之道以求之耳。

研究史料之方法如此繁難而史料之價值又復如此低 則史之爲學不亦難乎所幸史上

所 述以習慣與大事為多時間較長範圍較廣放史料雖缺崖, 略 可知此外且有撰人不致誤記之

史 料而史料本身亦有不致錯誤者存茲略陳 如 後。

(一)撰人不致誤記之史料可分二類其一事實之與撰人 無利害關係者則撰人必能秉筆

直書不致變更眞相其二事實甚著不容訛誤者如證明甚易者, 時地皆近者區域甚廣者衆人屬

目者均非撰人所能一手盡掩也。

(二)事實本身不能致誤者可分三類其一事實經過為時 甚久者如習慣是也其二事實範

圍所及甚廣者如戰爭是也其三事實所在一望可知者如民族 是也凡此所述複雜異常運用不

易然各種步驟每可同時並進習慣之後亦不甚難且空談史法 無異具文學者果欲成家尤貴心

知其意此又非可以言傳者矣。

第七章 斷事

「雖有疑獄合衆證而質之必得其情雖有虛詞參衆說而核之亦必得其情張師逮南遷錄之妄鄰國之事無質也趙

興時證以金國官制而知之碧雲騢一書誣謗文彥博范仲淹諸人晃公武 又證其眞出堯臣可謂聚訟李燾卒參互衆說而辨定之至今遂無異說此亦考證欲詳之一驗」 以爲眞出梅堯臣王銍以爲出自魏泰邵博 紀的

考證目的在於史料之估值及史料關係之決定然估值僅 爲史事斷定之初步非即研究史

事之止境史料考證不能予吾人以史事之眞相也僅能使吾人比較各撰人之紀載而已比較同

巽, 辨 別虛實而後史事方可 斷定焉紀載自 紀載史事自史事兩者 絕然不同學者 切須明辨撰人

紀 所見聞不盡真確不誣。 必另有他人紀載能與之不約 而同方可定其事為不妄故欲斷定史事

之眞確至少應有二人以上之暗合。

然 若撰人而犯自欺之病則雖有二人以上之暗合亦不足據所謂自欺蓋一種公有之心理,

使 撰人對於所見所聞不能有明確之了解是也例如王充論衡紀妖計鬼四諱調時譏日卜筮,

難歲諸篇所述對於世俗迷信可謂推勘已盡而歷代名人筆記尚多無稽之談故言者雖多皆,

本諸自欺之心理不足以證其果有是事也

考 證史事之虛實蓋以可能與否為根基如不 可能雖有史證 無益也所謂可能指事物之可

遇 如 不可能決不容有縱有紀述亦不足憑也。 而言意謂就人類經驗而論, 世間確可有此等事不容再疑耳故曾有之事當以可能為前提。

世 稱堯時十日並出萬物 焦枯堯上射十日而去 其九夫人之射也不過百步矢力盡矣天之

去 人以萬里數, 安能得日又稱紀梁氏之妻嚮城而哭城爲之崩夫 城土也無心腹之藏安能為

哭 感働

而崩又稱湯遭七年旱以身薦於桑林自責以六過天乃雨夫天地之有水旱猶人之有疾

病 也疾病不可以自責除水旱不可以禱謝去明矣且天去人非徒層臺之高也湯雖自責天安能。

聞 知 而與之雨乎又稱南陽卓公為緱氏令蝗不入界夫賢明至誠之化通於同類能相知心然後

服蝗蟲閩虻之類也何知何 見而能知卓公之化使賢者處深野之中閩虻能不入其舍乎閩虻,

不 能 避賢者之舍蝗蟲何能不入卓公之縣(節錄王充論衡處虛篇)諸如此類皆不可能故雖見

紀 載終屬虛妄 也。

然今日之不 能安知非即 他日之可能故不能亦可 成為可能 也同時吾人亦須知凡事之自

不 能 而變為可能 者必先有信而有徵確實不虛之經驗以證其 果為可能而後可唯事之可能與

否與事 之容有與否 無關吾人不能 因 某事 寫 可 能即謂 某事為 曾有蓋事不可能固不容有即事

可 能亦不必遂有是事 也。

屬

記留 侯世家上欲廢太子立戚 夫人子趙王如意呂后 使呂澤要留侯為畫計留侯謂天

下 有四人為上所重太子應請四人為客旣 至年皆八十餘鬚眉 皓白衣冠甚偉上見之大驚竟不

易 太 子戚夫人泣上為歌楚歌而罷按漢高 祖剛 猛坑 厲, 非 畏搢 紳譏議者也若決欲廢太子立如

意, 不顧 理義以留侯之久故親信猶不 敢 以口舌爭豈山 林四叟 片言所能尼其事假使四叟果能

尼 其事不過汚高祖數寸之刃耳何至悲歌四叟果能制 高 祖, 留侯為子立黨以制其父也留侯

造 爲 此哉又華嶠譜敍曰孫策略有揚州盛兵徇豫章一 郡 大 恐。 官屬請出郊迎華歆曰『無然』策

白 稍 復 白發兵又不聽。 孫將軍至請見」乃前 及策至一 與 府 歆共坐談議良久夜乃別去義 皆造閣請出 避之乃 笑 今將自來何遽避之」有頃門下 士聞之皆長歎而心自服也此說

近人情又孫盛雜語曰『姜維詣諸葛亮與母相失後得母書令求「當歸」』維曰『良 田百

頃不 在一畝但有「遠志」不在「當歸」也」接維粗知學 術恐不至此。 節 錄司馬光資治通鑑考

異 凡此之類皆非常情故事雖可能不定曾有

所謂某事可能無非謂就吾人經驗而論無物足證某事之不能有然初不謂某時某地曾有

某事 也吾人縱明知某事為可能而於斷定某事為容有或真確之先非有實證不可實證強弱, 當

視 其量與質如何以爲斷某事 雖屬可能然單持不可信之孤證不足以使某事自可能之域, 而 進

於容有之區紀載之確實者雖一言九鼎可使某事達於容有之境然非他人紀載之暗合仍不

為眞確無疑 也。

凡 此諸端皆史家斷定史事時所宜服膺者 也試問應用之方法如何第一須知欲敍述複 雜

渾 淪中之具相必先決定渾淪中諸原質之具相所謂 登高自卑行遠 自邇不以六律不能正五音。

以規矩不能成 方圓也。

吾人於研究某代史跡之先必先博覽學書加以考證而後

着 研究之際未加考證之先勤事筆 記所謂筆記即披覽史料撮 可 其有關主題之處而詳記之是 以略得其大凡為省時計必於

也。 記所用片紙最宜上下各留空白一方以便詳記書名版本 卷 數篇名及頁數於下方而略標

所 記 主題於上方俾便開帙了然易於復 檢。

史家讀史筆記可分二類一屬撮要一屬詳抄撮耍者不錄 原 文僅書梗概如求某事之時日,

讀 而得之錄諸筆記僅書某人云某事在某時足矣原文如何不必 述也然如研究某偉人之言

則 各書所述原文皆屬關係重要務當依樣詳抄不宜逸漏假使所讀之書係世間難得之本則筆

記 時亦宜取其成文不當節錄至於筆記之宜撮要或詳抄雖視研 究者之應用以為衡初無標準。

而 筆 記之切宜謹慎則實為學者準繩撮要貴能不背其意詳抄貴 能不失其真草率成章無當實

用者矣。

諷 誦 史材瀏覽通史兩者宗要逈然不同前 者 為研 究 初 步貴 在精深後者為領略大凡無妨

簡 略研究貴眞欲速不達若祗求速成不問眞確非研究之正軌豈。 學問之良模眞而且速固佳速

而不眞何用與其速而不眞何若眞而不速乎。

吾 人既已博覽羣書集成筆記乃可較其得失辨其異同先將 意欲 野定之史事書於片紙之

端再將所集紀述條列於後而參考之書名附焉如 是, 材料多 寡可以一目了然矣整理紀述,

問 題生焉第一所集紀述不約而同示吾人以此事之果確其二所 集紀述言人人殊示吾人以 此

為 容 有或當闕疑其三吾人所得僅一 孤證。 如所 集紀 述, 不約 m 同且撰者為人均可信任則 此

事 眞 確, 不必再疑如所集紀述言人人殊。 則虛實是非最宜 辨別。 如 吾人所得僅一孤證則言雖可

后至多祗得視為容有而已不得遽斷其為真確也。

吾 史識不盡根據撰 人目 睹 紀載 而來。 故有時 不能 不曲 旁推以資斷定應用此種方法

所 得之價值如何當以下列三端為斷其一根據目睹 而斷定之事 跡爲數若干第二所有事跡 是

否 互 相密接其三除已經斷定之事跡外是否再無他種事跡與之 相 合。

此 種 旁證工夫最費剪裁之力如 取殘像修而復之或缺其首, 或缺其足一望而知眞僞立辨。

有時所 缺者 不 止一端而可補者不僅一物。 以諸物 補所 缺盡屬 相宜決斷去取此最不易雖有

别 識心裁亦將無所施其技矣吾人遇此唯有闕疑而

旁 推曲證並可由反面入手 者謂之『無言之證』如 有人焉, 固深悉某地某時曾有某事者,

而 對 於某事中之某節獨置之不言假使某事 中果有某節 者彼 必 知之而且必記之彼今不言, 則

必 斷定一也假使彼果目睹或耳聞之彼能必記之否亦極難斷定, 某節 也然此種旁證較 正面者爲危險而易流於不眞蓋某節 果確彼能否目睹或耳聞之極

第七章 斷事

司 馬師之廢齊王芳也據魏略云師遣郭芝入宮太后方與帝對奕芝奏曰『大將軍欲廢陛

下。 帝乃起去太后不悦芝曰『大將軍意已定太后但當順旨』 太后曰『我欲見大將軍』芝

大將軍何可見耶。太后乃付以璽綬是齊王之廢全出於師 而太后不知也陳壽魏紀反載

之分極言齊王無道不孝以見其當廢其誣齊王而黨司馬氏亦太甚矣然此猶曰陳壽身仕

於晉不敢不爲晉諱也至曹魏則隔朝之事何必亦爲之諱魏文帝甄夫人之卒據漢晉春秋謂 由

郭后之寵以至於死殯時披髮覆面以糠塞口是甄之不得其死可 知也而魏文紀但書夫人甄氏

絕不見暴亡之跡豈壽以作史之法必應如是迴護耶(趙翼十 史劄記三國志多迴護條)無

之證之不可恃即此可見一班。

是 故旁證之道極宜慎重推證所得切須直書信者書之疑者, 闕之愼毋使疑者如真妄者似

世之精於史學者每能將旁證經過據實述明務使讀者明白其 推理之由而得以辨別其虛實。

闕疑之道莫逾於斯。

總之旁證所得之事跡與根據直接史料所得之事跡不可相 混前者雖屬容有或極逼真然,

終不可斷為真確故根據旁證所得之事跡而成之著作其價值遠 在根據直接史料所得之事跡

而成之著作之下吾人於編比史事時於此宜三致意焉。

六藝詩書雖闕虞夏可知」然則旁推曲證聞見相參顯微闡幽折衷至當要使文成法立安可拘拘於劃地之趨哉夫 『司馬遷曰「百家言不雅馴搢紳先生難言之」又曰「不離古文者近是」又曰「擇其言尤雅者載籍極博扮衷

合甘辛而致味通纂組以成文低昂時代衡鑒士風論世之學也同時比德附出均編類次之法也情有激而如平旨似

調而實情予奪之權也或反證若比或遙引如與一事互爲詳略異撰忽爾同編品節之理也言之不文行之不遠聚公

私之記載參百家之短長不能自具心裁而斤斤焉徒爲文案之孔目何以使觀者與起而遠欲刊垂不朽耶」一

學誠

第八章 編北

史事 既定陳列滿前有眞確者有容有者於是比 事屬辭之道尚

史學研究步驟甚多循序而前不容躐等然求其實際殊不盡然史事編比本可當着手之際,

題推證不厭求詳必搜羅史料先能賅備無遺然後筆之於書方可永垂不朽 即進行旣讀一書畧知梗槪隨翻他籍隨改舊聞必使舊聞隨新證而改觀史事得新見而愈確。

立

吾 人於搜羅史料之餘旣知梗概乃可將考證所得之跡加 以審查第一定主題之界限第二,

分 史事 之時期第三定史事之去取第四定各部因果之關係第五明陳跡之變化第六定史事之

重 輕第七定烘托材料之多寡。

何 謂定主題之界限夫史事如環原無首尾昨日之果今日之因今日之因明日之果因因

通 果, 傳之無窮所謂『 限篇) 然 史之為物雖繼續不窮而詳加審察則段落可 正其疆理開其首端因有沿革遂相交互事勢當然非為濫軼也』(劉知幾史 見。 人 類演化痕跡顯然皆能予主題

以 明白之界限使吾人有研究之範圍研究如欲精深主題必當 有限夫人生白首難窮一經况人

事 萬千焉能盡究此吾人所以不能不『明 彼斷限定其折中』也。

然 史上時日不能定主題之範圍也自何時始, 至何時終去取, 之權握諸學者例如研究秦 始

之統一中國必究其統一事業之何自始與何時終終點易求肇 端難定蓋當秦始皇二十六年

時 齊國旣亡遂成一統此易知者也至若肇端之日雖顯然為孝公 圖強商鞅變法之際然尚可遠

溯 穆公爭霸不成閉關休養之時至如封建制度之與衰其始末均 屬難定卽謂始於周初亦復 陸

續 行 之既不可概謂之武王尤不得專屬之周公而武王時原已有 千三百國雖係舊時部落安 知

非 即周 初 封建制度之所本至於封建之廢世人每斷之於秦始皇 統一中國之時初不知 春 秋中

強 兼弱削列國 已半為郡縣而楚漢之際豪傑相王漢景之時七 國作難皆可謂為封建制度衰

波也已。

第八章 編北

至 於 史著 之中應包何 事此係史事價值問 題難定一 成 準『論史之煩省者但當求其事

有妄載言有闕書斯則可矣必量世事之厚薄限篇第以多 少理 則不然』(劉知幾史通煩省篇)

所 謂 價值當然非某事為優某事為劣或某事有益某事無功之 意實指某事在某篇中是否重 要

而 不可 缺此乃一研究結局之問題也蓋史事編比原屬一研 究 結局之問題也史事編比所求者,

非 人羣活動之目標應屬何種乃人類活動已會達到之目標 屬何種且以何種方法達到之也。

例 如吾華民族之活動曾造成中國而統一之中國之統一, 乃寨代已成之事實也假定秦始

皇統一中國爲一有歷史價值之事業爲吾國文化上之一大進 之 如何成 功然則當編比之際應包何事日凡有關統一成 功 之史跡均應詳述無異如爲篇幅 步則史家之責在於說明統一中

所 不能不. 加以 去取則當視 其與統一成 功關係之深淺 以 爲 斷。 深者取之淺者去之或 可無論

國

深 淺並蓄無收稍別詳略以示輕重深者詳之淺者略之詳略去, 取初無標準史識可貴意在斯子。

類活動必有顯著之痕跡 吾人取其一段中之事跡而 比 次之以求其結局非先知其梗概

可矣常人每謂欲求梗概可閱尋常舊著以得之是固便矣非 正軌也若能博覽羣書細加考索。

每 能 隨機觸發即景會心彼前言往行縱然萬緒千頭而諷誦有方不難讀書得間學者賞心樂事,

每於此等處得之也。

讀 書漸多懷抱漸變狹者廣之謬者正之見解旣與夙昔 不同, 領會亦較先時為敏取材旣博,

輕 重 益明或詳前所略或異前所同或重前所輕或忽前所謹史材旣備去取旣竟乃作為大綱為

最後之審定焉。

假使秦始皇之統一中國在中國文化史上為重要之事 跡則編比之際毋庸再疑然有時

跡 重 輕每難驟定或去或取煞費權衡吾人至是當念茲事與中國文化發展有無密切關係詳 述

茲 事能否使吾人更能了然於中國民族之演化如中國民族演化之究竟在於實現大一統之國,

則 秦始皇統一中國之事業實為中國民族團結之初 步其重 要可以不言而喻

至 於世界史之編比亦當視若複雜之渾淪不應僅以外觀之統一或社會之結構爲已足然

則 世界史之材料當屬何等應包人羣發展之各方面如經濟教育政治科學美術哲學及宗教乎

或 僅述經濟與政治二端乎? 如應網羅一切則熟重孰輕乎何者應詳何者應略乎何以某事較重

且應詳述乎凡此皆形而上學中之問題也。

觀 此可 知編比世界史當有一種人生哲學為基礎社會上之 形形色色量即人生之究竟乎?

僅係人生究竟之一種方法平如其僅屬方法也則人生之究竟究屬何物乎人生究竟是否 卽

如 之上達吾人於此亦有明證否? 德賢倭伊鏗 (Eucken) 所謂『生活中 1如無明證 則直容言而已人奉活 精神滿足之發展」乎人羣活動之宗要是否在於人 動又 豈空言所能駕馭乎。

又若以為人生純屬物質之事人也社會也以及人奉活動之 產品也皆將有同歸於盡之一

日是說 也亦寧非空言而已乎凡此諸說皆關史意者也亦即所謂 『歷史哲學』者也研究史學

者亦誰能脫此窠臼乎。

然 則編比世界史應以何種 根據為選擇資料之標準仍屬 料價值問題而至今尚無定論。

如吾人已知中國之統一已成事實用為敍述之線索是固然矣試 問世界史之線索為何如必俟

世界史之結局已成事實然後再依據此的以決定史事之就重孰 輕熟去孰取則世上將永無著

述世界史之人矣是故選擇世界史資料之標準非已成之事實也。 乃擬議之目的也此則習史者

所當明辨者也。

是故世界史之如何編比當以著者所抱之人生哲學為標準。 偏 重物質者不能欣賞史上關

於精神之事跡反之偏重精神者亦不能同情於物質上之往事史家所抱之價值觀念當然影響

其 全部歷史之編比此種價值觀念各時代之民族皆有之且必皆有之否則各民族之事業將無

一致貫澈之觀也。

大 抵史家所謂價值之標準並不自世界史中得來假使史家 對其所述之時代已了 解無遺。

所 用 之史事亦已能以適合全部結局為標準則 即可稱為具有史 識之人史家紀事決不因其 饒

有興 趣途不惜並蓄兼收所運用者必係可為脈絡之事卽此一端, 已不易為世之能此者又有幾

人乎此先哲所以有才難之嘆也。

應 述何種事跡與如何編比 此種事 跡純屬二途研究所得之 史料或屬經濟或屬政治或 屬

宗 教, 初非一端如何比次乎其如編年史家之以事繫年依次排 比 乎? 誠如是也則僅列舉事跡 而

已不得稱為專門著述也且『事以年隔年以事析遭其初莫釋其, 終攬其終莫志其初如山之峨,

如 海 神事跡貴能互相聯絡欲求一貫則凡相同專跡均當以類相 之茫蓋編年緊日其體然也』(袁樞通鑑紀事本末楊萬里叙)大抵編比之法全篇 從欲求聯絡則凡先後相生均, 須具

應 循 序比次所謂 『首尾畢 具分部就班』 者(袁樞通鑑紀事本末自序)是也學者能於編比之

際, 先分段落則一貫之道思過半矣。

奉活動並不單純研究工夫解剖為上此編此史事之所以 貴分段落也入手之初先定此

事 可 分幾段分定之後乃推求各段之源流有屬政治者有屬經濟 者有屬宗教者有屬學術者。 政

生宗教之中或可再分為教義

治 之中或可再分為中央與地方經濟之中或可再分為國計與民 織學術之中或可再分為科學與美術故大段可再分為小段小段再可分為幾事依其先後,

述 其 本末乃合事成段合小段為大段而成篇或有時事跡之間牽連繁複亦祇得分頭敍述不厭

求 詳庶可免掛一漏萬之譏得一氣呵 成之

然 段落雖成編比之功仍不得稱為完竣也蓋尚 有 組 成 條 排 比成章之業焉此爲編比中

難之事亦爲最不易得心應手之事所謂著作不僅『事具始末文成規矩』已也歷代帝王本

紀 足以稱中國史魏宋齊梁陳各書不足以稱六朝史所謂 中 國 史所謂六朝史必有異於是者

矣。 或各篇文字斐然成章依次敍述先後井然亦將僅屬一種斷 簡 而已此比次與著述之所以

殊途學者不可不辨也。

編 比之道奈何日亦唯使各段落間生極密之關係且依其輕重而敍述之而已方敍一段擱

置 他段繼述次段乃置前段可權其輕重放筆為之唯繼述之時凡 與前段有關之點均應盡量 重

提 以 明 來歷蓋即窮源竟委之道也至於各段溯源至何為止各段 詳 略標準若何凡此皆屬難, 定

之事大抵篇幅大小應先預計重詳輕略端恃史才蓋「史傳爲文淵浩廣博學者苟不能探賾索

隱致遠鉤深鳥足以辨其利害明其善惡」(劉知幾史通鑒融篇) 學者必先熟語詳情備悉始末。

後詳略去取方可隨心所欲所謂『至精而後聞其妙至變而後 通其數』也。

比 成段比段成章學者於着手之頃蓋隱含因果之意歷史 與自然科學同不能有無因之

果。 然 自 然科學中之因果本有定律因果範圍必兩相等至於歷史則僅有因果之關係而已前後

相 生因果初不 相等或其因甚微而其果甚大或其因甚大而影響杳然歷史原為求異之學故因

果 每不相符與自然科學之求同而因果永遠相等者蓋逈乎殊途也。

是 故探求定律非史家之責也史家所求者因果關係而已祇敍明諮事之前後相生並依前

後 相生之理而編比之即爲已足總期篇中無孤立之事跡各事有相互之關係斯則可矣。

然 而可 以言傳者規則也不可以言傳者史識也世之名史家豈特熟諳史法而已且具致遠

鉤 深 之容識必能於殘篇斷簡之中心知其意且審其因 一果關係 而 排比之然後方足自成一家,

如自問才力不足則惟有苦下功夫所謂『學業在勤功庸弗怠』也人定本可勝天有餘

補 不 足歷代名史不一其 人吾人果能誦其遺書效 其 力學則 必有一旦豁然貫通之樂矣。

所 歷史名著不僅明其因果排比成章而已尚有進於此焉卽所謂特異之變化是也蓋特

異 之變化本歷史中極要之特性歷史所研究者人類之活動 也。歷 史所欲明者人類活動所產之

異變化也故編比史事應述三端第一為原狀第二為活動第三為活動所產之新境三端 既明,

即稱良史文采優劣可不問焉。

舊日史家之紀事 也每先述某一時代之制度繼述當時不滿 此種制度之心再繼述改造此

種 制度之運動而終述改造後之新社會此種方法尚不得稱為盡善如能以改造之運動為經而

以 受改造之制度及改造後之結果為緯則人類變化情形不難昭然滿目史事編比此為上乘。

總之編比時應注意之三端切須服膺凡不足以表示原狀變動及變動之結果者不宜採

中且三端之間宜有聯鎖未嘗變動之原狀曇花一現之行爲以及突如其來之奇事均非良史

之材當以割愛爲尚。

此 外尚有二事焉為良史編比之要着其一輕重之間宜得其 當史事自身初無輕重所謂

重, 蓋指其成就之大小而言史家之敍述之也亦不當根據私人評論以詞藻表其輕重祇詳述其

如 何 成就面已足重者詳之輕者略之讀者自能得之言外若僅因某事之趣而且奇遂不惜津

樂道則不特繁簡失當亦且徒顯其學識淺陋而已。

其二編比之際應引用詳情增加生氣務使所 述事跡 栩一 栩若生誦讀之餘悠然神往至於宜

多宜 少初無一成標準專視史家之才識如何如能不奪重要事跡之篇幅無妨因果關係之敍, 述,

則 多寡之間較可自由決定至於此種史材之選擇亦唯以史家 之識鑒為衡凡氣候服裝居室,

貌, 等詳情可以唯意所欲或並觀以圖畫亦無不可編比旣竣乃成 大綱有如人身此為骨格肉之

衣 之著作之功其詳當述之於下章 也。

第九章 著作

其形貌神勿肖也」— "古人交成法立未嘗有定格也傳人適如其人述事適如其事無定之中有一定焉知其意者且暮遇之不知其意襲 章學誠

常人以爲編比旣成著作斯易實則深知史法之士不盡屬能文之人若史家而不能文則研常人以爲編比旣成著作斯易實則深知史法之士不盡屬能文之人若史家而不能文則研

究結果之發表斷難完美所謂『言之無文行之不遠』也大抵凡欲形諸筆墨均須具有文學良 才固非獨史著為然矣。

般述史事固當有充實完美之文然吾人不得因此**途**視歷 史爲文學之別子或視文采不

明 之良 史爲不值一顧之書此種見解旣極錯誤且亦不 知史文性 質之談也史著與小說不同富

麗之文章不足以償史著之杜撰史著善惡不以與趣文體為衡而 以真確與否為準夫史著應有

充 實完美之文章固不待言史文與常文同最重全文結構洋洋灑 灑總期能融會貫通所謂 一氣

呵成一線到底之道也唯不得因此途視歷史為文學也。

夫 歷史著作非斷爛朝報之比也貴能如畫像然全身畢現史 之宗旨不在激動感情而在 使

者了然於人羣特異活動之真面如史著既成足使讀者神往, 此 則偶然之結果並非史著之正

宗史家所求者本不在動情之事跡其研究之題目又不盡足以動 情之良材如果以小說方法著

作 歷史則謬誤之見千里毫釐又烏在其能成專門著述

『意翻空而易奇言徵實而難巧』此文史之大較 也文章之士或理在方寸而求

表或義在咫尺而思隔山 河神思所運舒卷自 如至 於史家則 不然矣史之泉源厥唯史料史

料 缺史著隨窮史家雖亦可運其神思然僅可藉爲低徊往事之, 助覃思之人可為文士而不必

為 史家蓋『文人之文與著述之文不可同日語也著述必有立於 文詞之先者假文辭以達之而

已以文人之見解而議著述之文辭如以錦工玉工議廟堂之典禮。 也」(章學誠文史通義答問)

世之學者每視史學為文學之支流史學之不能進步實受此 種謬見之影響蓋「自世重文

藻詞宗徑麗於是沮誦失路靈均當軸每西省虛職東觀佇才凡所 拜授必推文士遂使握管懷鉛,

多 無 銓綜之識連章累牘罕逢微婉之言。(劉知幾史通覈才)不 特此也因有文史合一之謬見,

並 生史貴通俗之盲談妄謂通俗史籍唯文章之士優為之夫史貴 真確不尚文詞若必『綺揚 繡

雕章縟彩。則經生帖括詞賦雕蟲並得啁啾班馬之堂攘臂汗 多知以眞確爲貴獨於史著至今尚一任文士隨意爲之寧非奇 青之業者矣世人對於科學之 事?

則世上不當有通俗之史書乎是又不然唯無論著作之屬 於通俗或專門其以真確為 主

字 一專門著作旣貴眞確通俗著作獨可信筆為之乎語曰『不 在其位不謀其政』專門家學,

何 不然未嘗習史法之人即不應負作史之責若文皆雅正而事 悉虛無是「以元瑜孔璋之才,

而處丘明子長之任文之與史何相亂之甚乎。

如 參考之用另著通俗之本供常

瀏覽之資讀者不同其人著作應異其質若欲一書兩用勢必兩 敗俱傷若以專門之業而取通

俗 之形則子注附錄在所必去後世學者既無從悉其取材所自亦, 無法明其斷定之由繼其後者,

必 且重行研究再擲光陰著作如斯亦復何益總之學者之責以學為先而研究之功重在供獻若

徒悅目而偶俗固高聲而曲下』(文選陸士衡文賦)已非文學之上乘又豈為學之宗旨乎

故專家所致意者非常人之通史乃專門之著述專門著述宜備三事一為本文一為注腳,

一爲關於書目史料及討論之附錄茲再分述如後。

著 作特點貴能貫通所謂 推極至隱得其會通」 是 也。學 每 以爲史料既集排比成文即

足 盡史家能事其實不然如僅 比次史料不加 **詮釋功夫則讀者或** 如 置身雜肆應接不遑或如五

色 目 迷莫明其妙故史著本文除史料大綱之外應並有鈎元提, 要 之功。其文緩其旨遠將令學

者 原始要終尋其枝葉究其所窮優而柔之使自求之壓而飫之使 自趨之若江海之浸膏澤之潤。

渙然冰 釋, 怡然 理順然後為得也』(杜預春秋左氏傳序)

欲 闡明史料中之一貫精神須自史事全部上着 手。明 定範圍, 揭示綱領然後分述詳情表 明

點務使覽者如振 衣得領張網挈綱了然於史事之眞情深諳 著 者意向之所指欲求著作之 貫

通, 應用 推理之能力不 特當研究之際須將題目在胸即至著作之 時亦應毋忘綱要學問之道, 綱

領 為 先研究進程此為關鍵若書無綱領, 則縱有心裁別識, 亦將 如 用武無地之英雄至於推理 能

力之應用應達何境此係學識問題初 無一成標準大抵推理能 雖可培養而成然不能因有神

思遂可恃才不學如能『考據詳明如漢儒而未嘗墨守舊文而不 求夫心之安辨析精微如宋儒

而未嘗容執虛理而不核夫事之實』(汪廷珍崔東壁遺書序)其 庶幾乎。

司馬光之資治通鑑凡十六代勒成二百九十六卷凡『明君 良臣切摩治道議論之精

刑 之善制天人相與之際休咎應證之原威福盛衰之本規模利害之效良將之方略循史之條教。

斷之以邪正要之於治忽鮮分淵厚之體箴諫深切之義良謂備焉。 」其宗旨在於明得失之迹存

王道之正一氣呵成始終貫澈其能成吾國史學名著者即在於此。

叉 如崔東璧之考信錄『上探疏佐至循盤下溯豐岐迄泗水 中間畫卦及詩篇政典皇皇書

與 禮道有孔孟不知餘學無漢宋唯其是百家傳說質諸經不經之 經斷以理』其宗要在於黜

家之妄存列聖之真其他如馬班陳氏各有家學心裁故能干古不 刊至今傳誦。

第九章 著作

凡 此皆不朽之作也學者如欲潛心學問處美前修未見古 絕業不可復紹也然則歷史名

著, 必 具 別裁歷史所以被視為文學及文人所以敢於作史其理 曲 或卽在此唯學者須知此 種 名

之所以不朽仍在其能以考證之功力為根基若僅持義理而疏 於徵實不具。治末而徒掇文解.

則 射覆之學整帨之文雖極精能其無當於日用也審

雖 然詮釋往事使覽者恍然見義於事文間尚未為足也著者 **尚須能自審其著作斷其是否**

通使讀者得相悅以解之愉快當著述之際「吮殘墨而凝神搦禿毫而忘倦時復默坐而翫之。

緩 步而釋之仰眠牀上而尋其曲折忽然有得躍起書之鳥入雲魚 縱淵, 不足喻其疾也』(主鳴 盛

史商権序) 迨著作竣事之後宜再東之高閣期於相忘然後再取而讀之指瑕索瘢重加

事關聯而後已著作如此庶幾近焉。 則 欠缺難明之點必能昭然在目再三易稿不厭其煩或多述詳 情或更加 詮釋總期本末具備,

各

古人名著多具精神學者有志貽厥後來正應仰範前哲惟模 擬之道得失有殊上者貌異心

同, 者貌同心異學者讀書應『取其道術相會義理元同若斯而 已』蓋必別具隻眼方能千古

刊徒事效顰寧有一顧價值古之作者不同體而同工語無相襲。 **斬自成一家言耳故曰『天行**

健君子以自強不息」也。

者所當致意者不僅一貫精神已也須知著作歷史之際不 可信手拈來即當妙諦必須精

心 考證方可成書務使讀者恍然於考證之是否經意事迹之是否, 有徵凡是形涉傳疑事通附會,

含毫若斷故牒無憑者均應著其所疑以待後人之別擇故著作之 道實緩而難行者也。

武 斷極易愼言最難蓋愼言之道貴能穠纖得衷修短合度『 增之一分則太長減之一分則

太 短著粉則太白施朱則太赤』火候純靑原非易事故一旦新證 發見或須重事編排至再至三,

愼 之又慎具有此種苦心方得稱爲學者總之學者以一己之私折 衷羣說稍有出入千里毫釐後

年遠世湮無由別其眞偽者輕率武斷漫不經心豈特厚誣將來亦且有慚良史矣。

史文極則須能與史證相符虛實是非務使恰如其分如事跡已有二人以上之暗合眞確無

疑, 則直書其事可也如衆說紛紜難衷一是而大體偏於一方則宜用『或』『殆』等字以示近眞未

定之意如僅有孤證則引其立言之人若古人又述古人之言則兩引之不可襲爲己說務使覽者

望而知其所憑者僅一人之紀載而已再如事出傳聞無從證實則應曰『相傳此事如何如何』

以示其難信凡此所舉不過大端而史家出言之宜審愼周詳卽此已可見其梗概不然都捐實事,

枉飾虛言而欲刊勒成家彌綸一代豈不南轅而北轍哉!

是故優美之史文僅能出諸精通史料長於考證及胸有全題者之手一言一語均當與所

之士則每喜竄易更張反失本意學者如能多用成文藉明真確紀述貴於宛肖言詞不必經生則,

之史料表裏相符史文與文學之不同即在於此而且

史家為徵實起見不能不常引成文而文學

於著作之道思過半矣總之敍述史事以能利用成文為上蓋撮要 轉述決不能存原料之眞而割

裂剪裁尤難免有斷章之慮。

夫史學名著當然非純由聯綴原文而成成文之孰重孰輕應多應寡, 均當匠心獨運加, 以 别

裁苟於事實有關即胥吏文移亦在所必錄否則雖班楊述作亦在所必删不尙文辭期明事實蓋。

歷史與文學之區別非此不明史文與史料之關係非此不密也。

史貴徵實不尙浮談徵實之道除引用成文之外並有自注之一途疏漏之防不嫌太密歷史

無憑藉將如性命之空談史家欲顯精能莫若標明其來歷蓋『 文史之籍日以繁滋一編 刊 定,

則 徵材所取之書不數十年嘗失亡其十之五六使自注之例得行, 則 因拨引所及而得存先世 藏

大概因以校正藝文著錄之得失是亦史法之一助也且人心 日 周 風 氣 日 變 缺 文 之 義 不

附會之習且愈出而愈工焉在官修書惟冀塞責私門著述苟飾浮名或剽竊成書或因陋就

界九章 著作

八十九

使 其 術稍點皆可愚一時之耳目而著作之道益衰誠得自注以標所去取則見聞之廣狹功力之

疏 密心術之誠偽灼然可見於開卷之頃而風氣可以漸復於質古是又爲益之尤大者也』(章學,

誠文史通義史注)

注 腳 種類可分為三一為卷數頁數之註明以表史材之所在一為成文之抄錄以明史文之

有憑一為證據之討論以見決斷之謹愼大抵三類之中以第三類 注腳爲最少而且最難。

第一類之注腳僅述卷頁數目驟視似易其實甚難此類注腳一方可以明創輯者取材所自

方可以便讀者翻閱原書以斷定著者所述之是否正確若僅說明卷頁之數則每因版本不同,

無 從翻閱故版本多者並應說明何人刊印何家所藏以免讀者 之遍尋無着有時所據原本或係

手 開卷即得且著者研究之餘易為存錄他人翻檢力費心勞又何不稍費舉手之勞為讀者謀省 則不特何家珍本應加說明即原書外形亦應詳及蓋註明 參考不厭求詳總期讀者 苟欲 翻

益世之學者每有羅列書名不 提卷頁徒示淵博無益 存 參縱 存心或不欺人然其無當於日

用 也 則 甚明 矣總之此種注腳之本旨在便讀者之檢查故以明確。 爲貴欲求明確非有謹慎 持

之功 不能學者欲示其博聞應在著作上刻意經營使讀者恍然有 以見其用心於行間字裏若 徒

列 書月以自欺而炫人則雖充棟汗牛亦適足以形其淺陋 而已矣。

二類之注腳旣包成文亦明出處其目的在使讀者得以親覽原文藉知著者所述之是

當。 既引原文當以存眞為上不應割裂剪裁原文字句均應依樣照抄絲毫不苟不然則讀者 第 所 否

得, 確 仍是他人之言不知真面所在至於何時可引原 文初無一成 標準大抵手抄眞本為常人所 不

獲見之書則採錄成文藉廣聞見或著作之本文太簡讀者 易 灼見著者命意之所在則, 亦 應

注 原 文以爲領會之助如原文係外國文字則何時應加翻譯, 何 時應引原文亦初無定 則。 如 意

在 明史料真 相則應錄原文當原文之意不能絕對確定時尤, 宜 如此如能 將成文參入著作之

中不另附諸注內最為得計學者宜知,

注 腳之難為者莫過於考訂異同之一類蓋本文所述不盡確實無疑或傳聞異詞未能 斷定。

或諸家聚訟應付闕疑所述史事之虛實是非必當與所採史材表 裏相應故不特諸家之說, 應集

注 中郎著者斷定之由亦當詳述注中應先舉各種不同之紀載評 其價值之高下明其眞意之為

何較其得失辨其是非乃用推理能力斷定其眞偽司馬光之資治通鑑考異為著者自注之良

裴松之之三國志註則爲他人代注之絕作『引諸家之論以辨是非參諸書之說以核譌異』誠

此類注腳中之上乘矣

專門著述宜附參考書名或並須另加附錄蓋前人纂輯具有苦心若引用舊書不著所自是

妄援著作之義自文其剽竊之私豈非飲水忘源數典忘祖大抵參 原始或為孳生凡經採用均須列舉孳生史料要以名著爲歸或 考書目應包憑藉之書無論 依時代而次之或依門類 而 分

之均無不可凡撰人名氏書名卷數版本出版之時地等均當一 註 明。 而各書之內容及其優劣

均應加以簡明之案語

至 於原始史料應與孳生者分開而印本抄本亦應分頭羅列各類史料之序次或依筆畫

依 性 質排其先後有條不紊務使讀者能一覽即得印本書籍可分爲公牘信札報紙或筆記等。 抄

本 書籍可 依原檔分類並舉檔案標題各書必附案語所 以使覽者灼然見著者研究之苦心例 如

撰 人不著時代未明之書或虛實未知真偽未辨之作今既詳加 考訂眞相大明其重要本不在史,

跡 之下若本文無處安排正宜附諸書後案語之簡要者或入注腳之中或附書目之後如係長

字則或另加附錄以位置之凡此皆宜慘淡經營謹愼從事務使讀者開帙之際一目了然斯爲,

至於附錄之中應以未曾出版之文稿及圖表討論文字等為主要之材料旣入附錄應襲 原

並應估其價值明其意義略加案語以便讀者凡茲所述不過大端略示研究之方未盡史學之 ,

區區研究之法所能畢事矣。 妙孟子曰『徒善不足以為政徒法不能以自行』學者欲成歷史專家仍有賴於潛心力學固非。

第十章 結論

『古之所謂良史者其明必足以周萬物之理其道必足以適天下之用其智必足以通難知之意其文必足以發難顯

之情然後其任可得而稱也』— 一南齊書序

歷史為物史料是依史料存亡全憑機會史料之為數有限時 間之剝削無窮有減無增日就

可恃若不可恃若可知若不可知』(章學誠文史通義知難)故史家所能取用之材可謂零落彫 殘缺蓋可斷言矣且『不傳者有部目空存之慨其傳者又有惟求 失旨之病與愛憎不齊之數若

第十章 結論

九十五

殘 之 至史學不能日進此實為其主因世之欲藉 歷史之研 究以 推知人類社會之淵源建設歷史

哲學之基礎者蓋未嘗明了史學上之根本因難者也。

史家搜羅古籍探討舊情每不出諸親見親聞實端, 賴於前 八傳述故歷史非觀察之學乃推

理 之學吾人之歷史知識亦非直接之智識乃間 接之智識世之以自然科學例史學者蓋於此

嘗 致 思者 也學者之於前言往行旣不能親見親聞則 於採用 史料之先必事考證之業考證所得

實或殘缺不完或散漫無紀補苴釐訂煞費經營治着 手編 比之際又不能不以己度人以今

例占縱能呵成一氣難免有失本真史學如斯遑言定律。

研 究 歷 史步驟甚繁史料之蒐羅也偽設之辨 正也義理之推 求也事實之斷定也一事之微,

存 動 乎 說事存乎學文存乎才非識無以斷其義非學無以練其事, 經 歲 月此歷史研究之所以不能不分工者一也且史所貴 者義也所具者事也所憑者文也義 非才無以善其文三者各有所近,

人不盡能兼學者果能咨訪為功方可紹古人絕學若私心自據唯恐名之不自我擅焉則三者

不 相爲功而反相爲病矣此歷史研究之所以不能不分工者二也。

大 抵歷史之學必具數家撰述記注蓋其大耍前者為專門之 著作後者為史料之寬羅撰述

欲 其圓 而神記注欲其方以智智以藏往神以知來記注欲前事 不忘撰述欲來者之與起故記

注藏往似智撰逃知來擬神藏往欲其賅備無遺故體有一定而其 德為方知來欲其抉擇去取, 故

例 不拘常而其德為圓(章學誠文史通義書教下)大抵『書事記 言出自當時之簡勒成删定歸,

於後來之筆然則當時草創者資乎博聞實錄若董狐南史是也後 來經始者貴乎儋識通才若班

固陳壽是也必論其事業前後不同然相須而成其歸一 揆』(劉· 知幾史通史官建置)

但為記注之業者必知撰述之意所次之材應使撰述者得所 憑藉有以恣其縱橫變化又必

知己之記注與撰述者各有淵源不可以比次之密而笑撰述之或 有所疏比次之整齊而笑撰述

之有所畸輕畸重蓋撰述有如韓信用兵而記注有如蕭何轉餉二 者固缺一而不可而其人之

固 易 地而不可爲良者也(章氏遺書報黃大俞先生)從事記注之業者果能謹守繩墨專心嚆 矢

之功程從事專門撰述者果能提要鈎元勒成專家之鴻業分途努 力相得益彰史學至此然後, 社

會演化之性質及其原因方得以大明於斯世而所謂『歷史哲學 者方得卓然有以自存不然,

徒託空言高談原理雖極精審亦何裨乎。

世人多以歷史效用在於足為吾人行動之典型此謬論也人 奉狀況今古不同前言往行, 難

資模楷且『人之是非初無定質人之是非人也亦無定論無定質 則 此是彼非並育而不相害。

定 則是此非彼亦並行而不相悖矣前三代無論矣後三代漢唐 宋 是也中間千百餘年而獨

更迭不相一也昨日是而今日非矣今日非而後日又是矣雖使 者豈其人無是非哉咸以孔子之是非為是非故未嘗有是非 耳夫是非之爭也如歲 孔夫子復生於今又不知作! 時 然。 何

而可遽以定本行罰賞哉』(李贄藏書記傳總目前論)居今之世行古之道世人尙知以 迁

腐
戡之獨於歷史上之垂訓主義資鑑浮談至今猶膾炙人口未嘗 去懷豈非不思之甚也哉。

歷 史為說明現狀由來之學學者果能對於已往陳迹多所會 心則對於當代情形必能了 解。

窮 源竟委博古通今此歷史之效用一也方今社會科學日進無疆然研究雖精迄未完備蓋徒 事

直接 觀察僅能明白現情如欲再進而知其趨向之方悉其演化之迹則非有歷史研究不可近 世

研 人類科學者莫不以歷史為其入門之坦途其故卽在於此此歷史之效用二也然歷史最

之用實在其有培養智慧之功蓋受史法之訓練者輒能遇事懷疑, 悉心考證輕信陋習藉以革 除。

此 究態度之有益於智慧者一也史上所有之社會文明高下至 爲不齊學者研究之餘深 知

類 俗 不同其來有自對於現代人類殊異之風尚每能深表同情此 驅除成見之有益智慧二也。

史所 ,述為古今 社會之變遷及人事之演化吾人藉此得以恍然於人類社會之消長盈虛勢 所

言往行尤其次焉者耳世之作史及讀史者其亦以一得之愚爲可 必至革新改善理有固然此努力進步之有益於智慧三也凡此皆 採否乎? 研究歷史之益也至於多識前

百百

THE HISTORICAL METHODOLOGY

PING-SONG HO Edited by Y. W. WONG

Ist ed., July, 1927 2nd ed., Apr., 1931
Price for each Series of 12 Volumes of the
Universal Library, \$1.50
Price for this Volume, \$0.20
THE COMMERCIAL PRESS, LTD., S'HAI
All Rights Reserved

N八七一陸





3 23-2

籍